

天
啓
滇
志

滇志卷之十四

人物志第八

人物目錄

雲南府

漢 許叔

唐 張志誠 王仁求 子善寶

本朝 李純 楊景 張英 楊一清

毛玉 李資坤 孫繼魯 施昱

嚴清 段繻 夏誥

大理府

漢 盛覽 張叔

晉龐遺

唐段赤城 段宗勝

本朝楊黼 楊南金 楊士雲 趙汝濂

李元陽 李東 艾自新

臨安府

元董文彥

本朝張隆 羅珣 張西銘 楊傑

萬文彩 蕭崇業 包見捷

永昌府

蜀漢呂凱 子祥

本朝楊元 張志淳

曲靖府

漢 尹 珍

晉 謝 恕 傳 寶

本朝 張 璵 項 瑄

潞江府

漢 李 恢

本朝 楊 以 成

蒙化府

本朝 雷 應 龍 左 重

鶴慶府

本朝 趙 德 宏 彭 富

姚安府

元 高泰祥

人物

人物志志獻也鄉賢一人物也孝義一鄉賢也即
筭幃之彥抑亦鍾正氣而產於鄉者類又附見前
志相承姑以從吾見進可矣今觀所謂人物遠推
經學近錄事功夫論經學則無論事功夫論事功
則忠臣烈士更不可遺又以子以名相在人物而
父以清吏爲鄉賢皆可羞也故於雲南進死

廷杖之臣一人一封君二孝廉一廣文於大理入名
鄉一人一大學生於臨安又少年

贈固塞一人郡守一人其一人自粵西通志得之於
曲靖進布衣一人於潞江入死事府同知一人於

蒙他亦死事知縣

贈尚寶卿一人於鶴慶進長史一人於姚安進勝國
段氏相一人於克前志之義以補昔人之遺云爾

雲南府

漢許叔善闡人元和中入中國授五經歸教鄉人
唐張志誠善闡人太和中入成都學右軍書甚得其
妙於是南中士人競從之學書

王仁求安寧人爲河東州刺史教民以生聚阜財又
爲之平賦役恩義兼施夷風丕變子善寶以雲麾將
軍持節河東諸軍事亦爲河東州刺史有治蹟碑
本朝李純即入舉人個儻有智畧正統間以御史巡
按遼東會土墓之難純曰虜以我兵勤王必出不意
紀我乃選精騎嚴兵固守凡虜馬所繇入處無不備
者東虜果以二萬騎薄遼東未至二十里純設伏以

待虜半入我兵舉火繫之虜首尾斷絕不能相救斬
獲無算論功陞左副都御史巡撫遼東後改巡撫榆
林西虜屢境純偵得其虛實入集兵將搗虜所不備
斬獲三千餘級虜敗遁去遼庭甚賴之卒於官

楊景安寧人事母以孝聞中永樂癸卯科舉人爲霸
州判蘇膳馬之困累後以外艱歸補澧州有卒以失
牛誣吳姓者牽其牛以歸吳亦以竊鉄誣服景疑其
杜陰取牛郊垌縱之牛奔入吳氏家卒乃服罪秩滿
擢化州州同會有峒夷之亂賊將攻城久雨城浸守
將夜縋城以遁州人呼號震天地景令曰某在無恐
時城中民兵不滿三百激以大義皆願盡力乃撤故

倉木以蔽城缺又縛藁人被衣鎧置城上以疑賊賊
夜至攻甚急有三人緣堞上擒斬以徇賊知有備乃
引去州民皆曰活我者楊公也都督歐信自高州以
兵至會賊已遁乃贈景守忠二字而置守將於法天
順庚辰以老乞致仕公平生苦節道途輿馬之費不
貲過巴陵自度鄉遠不能歸因占籍後以子太博一
清貴贈如其官

張英字時俊郡人事母克孝正統戊午薦鄉試第一
入太學時寺人王振用事六卿而下皆斥焉稍自偃
蹇拂其意輒矯詔荷較於朝國師李時勉端人也時
直言匡之遂獲罪辱逮成均諸大學生敢怒不敢言

抵堂者公忿且耻乃同石太用詣

關請以身代遂蒙宥有名動京師英是日即乞歸養
學士商文毅公贈以詩居鄉以易教授生徒出其門
者濟濟多甲科名世卒年九十有四黔國武舊公禮
重之今以身處夫公之所難者不在上書而在得
旨以權璫虐餓屈於兩生是孰陰憚奸人之膽乎又
更難者正氣一伸即以顧養歸古人有私第不言功
者許公之志如是閱憲章錄止言名生而不及公必
有說矣

楊一清字應寧安寧石淙渡人幼從父宦遊過黃河
河清一綫遂以名隨薦奇童爲翰林秀才舉順天鄉

試成進士授中書舍人視學山西陝西

召入爲南北奉常寺右副都御史督理茶馬鹽政條
畫茶鹽監牧事宜所匡濟北巡撫陝西修復靖虜
花馬池諸要害澤障以及軍實無有浮應虜寇固原
公單騎馳至瓦亭會主帥曹雄設伏虜遁去隨奉
勅總制三邊經畧河套爲朔方援套之議條陳修築
增設防禦六事皆西土千百年長計也竟爲劉瑾所
格報罷瑾怒公諸事專擅不先白已將逮詔獄賴長
沙李嶽學東陽力救得免公遂歸會安化王寘鑑反
寧夏起公田間公受

命入寧夏語監軍張永曰寘鑑易與且暮且有捷音

第內變不可測焉可慮耳已而仇鉞果以擒賊報三
張永驚服乃請竟內變之說公取永手畫瑾字永悚
息不敢任公又密授永策永一一如公言

武崇乃執瑾戮之因

召爲兵部尚書加太子太保尋又改吏部時中原
盜起上平寇十一策俱見採納盜平加少保時乾清
宮災兵言五事皆切直關乘輿

詔加少傅兼殿學士內閣嘗因災異自劾且言用舍
違宜官府異視賞功太濫刑罰失中疏入朱寧等恨
之乃謝病致仕兵科給事中毛憲上疏

請勉留不報嘉靖乙酉虜入塞復起兵部尚書兼憲

職總督陝西冬

召還內閣當

國事

世廟待以腹心其被恩數前代所未有前後賜策書
書後大禮議起不合復致仕尋削籍嘉靖二十八年
贈太傅謚文襄公嘗自謂生於滇南長於湖南老
於江南故晚號三南居士居京口卜築丁卯橋猶不
忘石淙以名其地李夢陽爲之記稱其功著邊徼顯
名四夷利澤在
社稷其知公乎

毛玉字用成郡人幼而聰慧又自効厲讀書無怠朝

夜母喜其勤而憂其銳每以衣障其燈弘治己酉舉
於鄉明年偕計入京師不第遂僦屋燕市中日與四
方忠告博聞之士往來講業如是者十七年洎弘治
乙丑乃成進士方修

孝宗賈錄奉使滇黔訪求遺事歸報

命授大行人選除南京吏科給事中值祭典所論劾
四十餘人皆僉論之共愜者陞戶科左右給事中時
畿輔盜起蔓延大河北及山以東公以南都重地
條上備預諸策皆見採納憂歸服闋補吏科數直諫
如止巡倖居庸關危詞慷慨

武宗爲動色中貴繇烏思藏往返恣橫大索民苦無

聊御史林有年論劾得罪下詔獄公上疏極諫得
寬旨御史僅奪奉更切責中責人長沙李相國東陽
嘗曰用成吾畏友也

大禮議起公與時論不合力爭不能得遂同諸臣跪
門哭諫

世廟震怒被廷杖者若半公以六科之首創巨痛
深血肉糜爛未數日卒公居燕之日久燕故多悲歌
士至是相率白衣冠送公之喪所至爲文爲夢爲誄
爲詩哭而輓者皆是也

穆宗卽位追錄公忠贈公光祿少卿所存奏議十卷
其文質任自然是正嘉間典刑而言言切

國是當

廟謨曠見大用所建監必有裨補昔乎竟爾耳也才
眉州守沂錄前贈言爲一冊楊公慎爲題曰謫忠萬
曆間巡按御史毛公堪復

命抵京特疏表其忠本

賜謚未報公自幼孝於寡母釋褐一再入里門譙諫
無富貴相爲行人使四方所至以介特重一時前後
居南北垣疏不翅數十上唯論王新建過激聖人亦
曰苟有過人必知之况非聖人且論新建者亦多矣
卒無損於新建地底有知王公且以公爲友直公且
以王公爲友諒兩賢豈相阨哉求之古人平生無長

物者今見公也即今予遺一孫老矣貧不能自有不
益覘其祖武哉

李資坤字伯生昆陽人自幼以孝友聞登正德癸酉
鄉薦令宜城嘉定二縣擢南刑部主事員外郎中出
爲銅仁知府所至開渠堰復侵田均賦牒平寇亂置
學祖卓有成績嘗考天下廉吏第一士民感其功德
爲建生祠比歸置義塾不議公府性剛介寡合言動
以禮老而彌篤積書萬餘卷研誦以終自謂一蠹居
士嘉靖三十九年督學使陳善採衆議行州立祠祀
于鄉其在仕郡邑皆崇祀名宦云

孫繼魯字道甫郡人少負奇資凡書不再讀竟不忘

嘉靖癸未舉進士授澧州牧以他事避怒己者乞爲
學官徑得國子監助教歷戶部員外郎中監運通州
以水蘖著聲守衛輝歲苦蝗旱公竭誠走羣望得大
霖雨蝗亦不能害未幾調知淮安中貴卿命督江南
織造道過淮擅作威福公與之抗中貴怒欲甘心公
譖訴密投上干

天怒遣緹騎逮公至京師執政爲之解救罪止調官
既免弗謝人多忌其倔彊調黎平府能以德化威格
叛苗爲平民靖州叅將某嘆曰邊將獎率萬人不如
得一廉吏其威望見重於武人如此庚子秋黔中大
比黎平守所拔多奇士士論翕然稱藻鑑因擢湖廣

提學副使楚故多材又幅輿廓學使者恒苦力弗
給公一歲週巡每從帖括相士署數語盡其生平人
若左券已晉山西左叅政分守冀南提挈綱維卽宗
人不於法外縱舍又晉本省按察使衆人數有要於
路發其裝惟布袍敝履他無所蓄驚曰

高皇帝以來罕見此官相與載酒偕士民追送之至
晉益飭罰約束舍人子自宗潢以及百姓咸願久任
尋擢陝西右轄晉右副都御史巡撫山西以邊事與
總督翁萬達意不合爲文誓於神慷慨忠義溢于言
表因各陳所見交上封事時宰先翁而後公遂被誣
下錦衣獄讀易賦詩矢死不屈園土無楮具以敗盜

畫壁與同時得罪御史楊公爵者倡和百餘首名啟
益集知公者百口直之

世廟將宥公矣而時宰阱之弗置竟以疽發卒獄中
山西士民哭於長安者數百人時又有宗藩抗疏論
辯即發公裝緘公者

穆廟登極從言官請贈公兵部左侍郎謚清愍

賜祭命有司治葬公清醒自矢歷官所至堂皇梁柱
咸令以水數斛滌之曰此爲貪吏所洗久矣今宜涵
濯其標致不無太過要其孤介錄夫擬雖遭檢難終
不能自改也歷官無私積子孫以儉素聞予節西後
時矣又大鳥時流所嫉人皆欲殺誰復憐才迄今尚

有以矜詡議公者時論之難憑若此

施昱字子貞廣南衛人舉正德己卯鄉試第一人嘉靖丙戌會試第五人陞刑部主事陞員外郎典試山東取士多名偶及陞郎中以議

國戚張廷齡獄不稱旨株連逮下錦衣獄落職時已陞陝西憲僉矣家居八年纂輯邑乘至今傳焉起補貴州僉事威惠並行夷漢咸服士民繪像生事之瓦店驛峻嶺夾江渡甚艱公設法爲巨橋覆以屋士民翕然稱頌又以勘處夷情得當

欽賜銀幣方擬大用而值黔中大比錄文犯忌罪監臨御史波及公謫茶陵州州同歷陞永州判徽州郡

承天
丞下內外艱服除補大名府陞湖廣僉事駐承天府

龍飛之所百務紛沓公一意恤民不徇時好雖見忌嫉弗顧也早以擒巨寇李和珍有功

賜綺幣尋陞光祿寺少卿卒於京公孝友醇飭言若
不出口及遇大利害衆人囁嚅公慨然任之故三省
之說反自咎繇抑亦自負於釋之定國之流乎被逮
之日囊無長物填撫兼金爲贖不受及歇歷中冰久
久而生事如故識者咸謂公正直不阿爲一代名臣
云所著有禮經疑問舉業要說藏於家

嚴清字直甫後衛人弱冠中嘉靖癸卯鄉試明年登

進士授蜀順令丁母憂復補邯鄲皆以廉能著聲兩
邑尸祝之辛亥徵爲屯田主事陟郎中督建水城及
九陵片片馬綜覈出入省費巨萬出守保定時廷議
舉遷才公與馬陞易州安備副使陝西叅政四川按
察使精勤廉正在在稱之尋陞本省右轄綜理樽節
蜀庫餉贏

穆宗初乃命公以僉都御史巡撫貴州復陟四川爲
治蠲苛削冗一切公私費悉從減省

奏改金錢當輸京師者二十餘萬就近抵陝西佐邊
貴遂爲蜀民永賴至於定番僧貢額罷有司團操迄
今稱更會流盜剋東鄉諸縣御史王廷以推諉議公

時內江趙公貞吉在政府上疏爭之曰臣聞清撫蜀
省費愛民約已任怨今歲值荒曠元元方賴綏戢而
遽令之去是奪蜀父母也

天子心是之而不能拂吏議暫令歸待用

神宗登極之二年起巡撫山西而邊巡難進言者謂
晉地防邊不能久虛以待遂不果未幾巡撫貴州條
列監司駐劄之所而專其責成尤重禦夷安漢之寄
勿令會城叢集訊地聞然疏入報可終公之世苗夷
不聞跳梁而安酋奉令廩粟約束下人不敢越官道
丙子遷南大理卿尋改北議議多所平反丁丑遷刑
部右侍郎尋改吏部左侍郎戊寅遷刑部尚書秉公

持平屢白寃抑尤以平恕左法而治能令刑者感泣
神廟素知公特命代攝銓郎未幾遂真授冢卿時癸
未冬計事填委公竭日夜之力以疏冊證訪求以訪
求賢公論夫天日決去留所擯斥雖里閭素見延接
者不少庇人人快心而引用堪巖知名之士寔多一
時僉論謂世道庶幾改觀無何以勞瘁致疾四上疏
乞歸輒奉

旨命調攝又數遣官勞問珍賜出於上方寂後乃奉
溫言令乘傳歸又二年卒兵乏人

上特旨起公於家隨遣使臣執趣公感泣其疏謂老
臣病發負

皇上恩願賜骸養病舊里疏入

上遂迴久之乃許而眷注更賸切又間歲爲萬曆戊子

上特晉公太子少保歲給廩粟輿夫庚寅以疾不治卒

上聞而悼惜久之

詔贈太子太保賜祭遣官造葬謚公肅公性檢飭有威儀生平操行尤嚴於取予辭受若官食麤衣敝一與童僕同甘苦自京陵入京師循故事備幣交際開篋點檢自覺不能不辦隨已之一二日又復檢又復不任用如是者至三四遂自笑而止及爲尚書舊幣敝

履無改水蒲之日與疾出都門遵潞河汴大江而行
置石輕舟無慙古昔先後里居皆隱於松華別業間
一入城郭亦敝車羸馬而已後進造請不談文字惟
以治生務實學先闡修爲諄諄其詩隨自意興成一
家言不喜存稿今其仲子實所刻冰玉堂集不過什
之一耳故政府東阿于公慎行刻筆塵載公遺事方
馮保以罪籍沒得一冊於其家

定陵披閱皆籍記朝貴往來事及書公無一字以此
受知良然聞公自爲冢宰

上於宮中第稱其官不呼名公歸有上疏言聽記弗
經當罷者有

言嚴尚書在時朕且差人聽記又一日偶謂近侍不知嚴尚書安否隨有起家司馬之命知臣莫如主此神樂之所以爲神也歟

段繚字朝聘郡人孝廉十上春官不偶於遇人有言於太宰張公翰者謂在令甲得授部院屬一官以酬其志公遜謝不敢承惟益發憤向學謂解章勅業氣節一切染著皆未脫洒惟直取聖宗遠悟章句之外是畢吾生平耳在京師與周洞崖繕部論中庸慎獨之旨曰本無寂靜惟動不失常者近是不得分靜存動察爲二周曰此與何吉陽太僕論合遂相與造訪而一時同心如謝高泉都憲萬履庵宗伯締交訂盟

公卿間以得見為幸公高自標植不輕往來里中與
胡公廷樞遊胡雅意詩文自以為不朽公曰儒有向
上心志於道者耻為詩人不喜小技謂是不足博
此生也胡公以詩謝曰小子厥厥生往事豈不悵諒
哉衆星曜何如一月光遂名其集曰蜺蜺集凡朋友
即其居過植衆亦元坐其下曰坐意久開借此以發
之公曰生意豈在彼也胡公悟隨後棄去久之公復
過訪見萎落狼藉曰彼生意為我取之耶抑我自有
生意不暇彼顧也胡公首肯胡公卒公謀之曰始待
益於外來終取足於天則隆慶戊辰後忽自起念欲
以平日所著時事奏疏進不果自是堅卧不出官于

滇者紹介諸生造廬請益終不可得所居狀隘吁江
羅公波考親書題其里曰顏巷

夏誥字宗典郡人舉明經歷職教授自爲諸生即寬
心聖學然意在化誨愚民故借淨明忠孝倡爲會而
耳食者以淨明二字毀之幾陷於罪幸以公道見雪
督學陳公善素知之往吊其母重其人也善紀曆天
族舉以刑死薦勇士王存孝以功見姚兵歷境獻劉
處之策當路採焉晚益注精心性以言下直悟爲宗
不事枝葉一時學者稱牖牖先生

大理府

漢盛覽字長道樸榆人從學於司馬相如所著有賦

心四卷相如荅書云詞賦者合羣組以成文列錦繡
而爲質一經一緯一宮一商此賦之迹也賦家之心
包括宇宙總覽人物斯乃得之於內不可得而傳
張叔樸榆人天資穎出過目成誦每念邑人不知書
欲變其俗元符間聞司馬相如至若水遂負笈往從
之授經歸教鄉人

晉龐遵樸榆人咸和二年李雄入寇建寧遵以秀才
起義共攻雄雄乃遁走

唐段赤城樸榆人有膽畧蒙氏時龍尾關外有大蟒
吞啗人畜赤城披甲持雙刀赴蟒蟒吞之劍鋒出蟒
腹蟒亦死人剖蟒取赤城葬之建塔塚上煨蟒骨以

聖塔

既宋勝南詔清平官師子國伐緬緬求救詔遣宗勝
救之宗勝知詔已老子世隆尚幼權臣楊苴顓恣擅
恐其篡奪因請詔重其事權得專生殺許之受勅出
令限七日齊軍統天遠限遂斬其將乃苴顓子也既
入緬敗師子兵緬王酬以金寶不受惟取佛舍利歸
至騰越聞詔死苴顓果篡立宗勝與苴顓書云王崩
子幼聞公攝位國家之福彙授緬師子國不戰而清
緬王酬我佛舍利宜率國人迎之境上苴顓得書服
龍衣執金爐陳儀衛出迎舍利下拜遂斬苴顓歸國求
世隆立焉

本朝楊黼太和人力學志道不事生業庭前桂樹枝
榦蟠糾扁之曰桂棲巢居其中日註考經或作鳥詩
章尤工篆籀作字敗筆輒瘞之有退筆冢在今府城
北及親終巖栖鵲足八十餘歲卒所著有桂樓集篆
隸宗源等書

楊南金字本重鄧川人弘治己未進士授江西泰和
令直節苦行民有三不動之謠以刁慳財刊權豪言
之及入爲御史值送瑾縱恣其黨爲總憲凌轢諸御
史南金勃勃發憤拂衣歸是日即行二百里瑾聞之
竟追不及除其籍嘉靖間

詔起耆宿晉湖廣僉事尋乞骸晉泰議居里扶弱抑

強鄉閭德之年八十卒嘉靖二十八年提學使使胡克時造其廬恤其孤作祠祀之

楊士雲字從龍太和人正德間舉鄉試第一登丁丑進士改翰林庶吉士授吉士中推爲

宮僚以病辭不就人問其故曰吾豈能俯仰於人以求進乎遂乞歸里居二十餘年甘貧自樂不入府城鄉人不知婚喪禮節公教以易後爲儉所居環堵蕭然與諸弟特存交愛自少至老手不釋卷所著有皇極天文律呂詠史諸集一時學者皆宗之又明於風角每中夜必起抑觀或喟或喜不以語人

趙汝濂字敦夫太和人壬辰進士選庶吉士爲考功

主內祭時總憲謂御史某某應調曰教官未聞過跡
白甫久風力曰考察所以摘過豈宜斥無過之官耶
總憲唯唯卽署覲某者端人也尚書欲黜之力爭得
免事竣疏將上趙文華在黜中冓宰曰趙某者內閣
倚信決不可黜公曰趙某不黜則無可黜之官知人
不吐劉如此晚官都御史謬謬有大臣節致仕家居
益敦內行不治產業第營一草庵扁曰覺真推俸與
弟兄族人同之

李元陽字仁甫太和人嘉靖丙戌進士改庶吉士文
譽甚都會以永嘉指出翰林習吏事知江陰縣有循
良績召入爲御史遇事敢言如止鰲承天誥奸東朝

每每爲士林稱重巡按閩中墨吏望風解授遇文人
墨士雖布衣與抗禮薦舉耆道林富馬明衡等都試
監臨所得士皆極一時之選程亦十一出其手至今
爲制執家正鵠以持正不阿當事銜之會以扈從出
公知荊州府築堤捍江民鐫碑志德尋罷歸家居四
十餘年精研理學所著心性圖說與羅念庵洪先王
龍溪畿相印可至擣爲詩文森爽瀟灑有塵外致南
充仕忠齋瀚謂中谿晚年之學如霜清歲晏萬象森
嚴長松在壑剝落英華收歛神氣復歸乎其根也聞
者以爲知言壽九十無病而終所著有中谿漫稿存
東艷雪臺詩等書行於世

李東字震甫太和人嘉靖戊午秋試中式戀戀膝下
至乙丑乃成行又七年爲隆慶辛未舉進士釋褐選
除壯縣得成都親王食租衣稅之地諸宗人舍人子
常與邑人及傍邑人爭畔結訟多所掣肘又臺司郎
長及四蜀往來冠蓋相望所倚辦而應酬日不暇及
民疲奔命在官庶人襲習頑梗欲整齊不能與之爭
弗得不啻難治公視事期月種種治辦於是上官翁
然稱之曰誰謂成都難手事無巨細悉心委任焉彭
縣有子殺父獄人重其事因又巧辯既而不決命公
往獄之盡得其逆狀處錄殊无無枉當事者猶然鄭
重時恤部使取囚復驗械繫候于庭倏忽震雷因以

擊死乃益誦公神明灌口故有分封茶山與他山相
錯灌邨人暇王莊爲名侵界牟利灌縣令力爭不決
又命公驗之公矢身無他然後躬履其地博訪得載
一一如灌縣令初辭遂成鉄案王卒無柰令強項何
其餘烈烈如此類者尚多居數歲

詔爲御史諸所論劾皆大奸惡他人所吞舌而不言
者以是威稜然望而引避者皆是後奉

命督修

乾清宮摩闔唯然奉約束從前留難乾次之寶若塞
若止所省金錢寔多

上嘉其功錫之金幣增俸入一級會丁繼母艱歸服

關久久以父命出未幾巡按嶺西吏治民風禦夷平
微一切與

簡書關屬者悉殫心力絕無倚阿於時有十寨夷之
擊粵撫意在用兵公曰是區區小醜不足煩斧鉞宜
招降解散以示文告且安閭左粵撫不能難寇亦退
聽粵民益頌公及得代還

朝以次當再入楚公自念楚相國里也又於相國每
門下士不委蛇爲媚則徑直爲沽名又况知年多懼
昔日苦短無寧使國人屬目譙士變之後乎乞身引
退確不可挽御史大夫爲上

聞許還子舍公抵舍待封翁爲加愉之奉者數年封

翁下世有舉令甲言親終後出者公默默益事醫修
崇上正學又數歲有

詔搜括遺直廷議公出入西臺交稱名御史宜
詔還侍從無使野道

詔下公逡巡日久乃入都門見人倫圖是遽流變態
之無常追感今昔上書論

明主保身致平之術疏難言闕乘輿而語莊氣平蓋
公山中習靜養如水鷄又觀世閱人磨練結習盡脫
少年叩閣伏蒲之致宜乎

聖主和顏色而受也後值銓部推用閣臣首列山陰
王公家屏名

上切責嚴趙公又昌言謂是役舉相於人情爲賢選
即可無罪然時論不盡然謂公有意左右袒者故公
有南寺之擢公辭陞而行旋自引決連章請老隱於
煦蒼之麓終焉臨化朗朗未嘗示疾士大夫無遠近
皆以不盡用爲公悼吳郡馮公時可作李氏橋梓傳
比公於鄧公以讚趙公用賢又謂公於權勢膏潤避
去若浼脫然進退之際近來名臣未見其比文宗思
懿翁詩法浣花叟理學師白沙先生咸得秘密藏知
公深矣

父自新鄧川人以選貢入成均卒業所著有希聖錄
一編總千萬言直接聖真無一語夾雜大司成會公

朝節檢其篋得之三復悼惜爲作傳巡撫陳公用省
檄有司勉其他書表章其人云

臨安府

元董文彥通海人天曆間任威楚路知事中慶鎮將
敗狐叛攻威楚官吏皆遁彥死守城陷賊欲降之文
彥怒罵賊賊拘繫之彥復罵不絕口賊截其耳使啗
文彥嚼血噴賊遂遇害明年敗狐伏誅事聞賜諡忠
愍官其子時中爲祿豐主簿學士王崇常曰天曆間
元治正盛中慶省憲法度具在敗狐倡亂郡邑莫之
禦當是時省臣不能死憲司不能死郡守又不能死
文彥以白人乃能仗節死義是則可尚已都御史王

啓題死即死不死欲何俟我身已許國我死後其子
血漉漉草靡靡王子剖心爲用耳

本朝張隆字伯興建水人正統間縣國子生授杭州
府知事以廉能被薦歷陞本府知府有濟湖築堤功
入

觀治行爲天下第一天順間國母訃奔歸廬於墓側
有狐先馴擾之異人以爲孝感云

羅珣字用誠臨安衛人成化丙戌進士爲刑部郎中
出知桂林時西延陽洞諸蠻出劫爲興全峯珣檄州
縣簡練諸民兵以待蒐舊藉見宋有洞丁備戰守亦
倣其意行靈川檄召六洞丁一日謀報蠻五百餘將

蘇渡湘珣騎至靈川將諸民兵即馳往會先斯所召
亦桐撞丁適集與蠻遇破之蠻欲退合後屯有兩道
珣密譴土人唐金龍以從山徑便蠻信焉然珣引兵
潛抵山口蠻爭逸去兵自後躡殺幾盡蠻有別屯空
王寺者兵乘勝與戰亦破之文追至角山後戰大破
之已乃收兵取牛酒布花勞遣洞丁歸諸兵即縣按
條犒賞諸蠻歛迹自是無窺與全者

見廣西通志

張西名孚希載軍州人幼穎異博涉墳典弱冠中成
化甲午鄉試明年成進士授江西南金谿知縣縣多豪
猾公下車榜諭福禍誘致其尤者庭誨之許以自新
遣還諸豪悉悔過頓還風所便寇縣不拾遺會撫州

饑諸屬抱鼓數起獨金谿人相戒毋爲盜以負父母
縣有虎噬人蝗食稼西銘爲文禱於神急遂息以治
行第一徵拜河南道御史巡按遼東治城墮閱軍實
勦邊將失律者論治如法再按蘇發策眼荒所活饑
民甚衆常熟民錢某爲忤家誣以不軌緹騎往勘勢
張甚西銘亟止之曰此誣訟也何至圍捕以兵爲期
三日盡械其屬訊之無顯狀送京果白其冤而歸已
以望推督學畿輔士類心服尋卒平生博雅端絮爲
政不屑屑苛察未竟厥施一時悼之所著曰鶴軒稿
楊僕字邦臣臨安衛籍少卓犖不羣中嘉靖乙酉鄉
試連擢進士授建德令以丁艱歸再補夾江以績最

徵拜吏科給事中歷陞戶科都建白侃侃如請表靖
難諸臣

世廟心動已以貴溪言新進小臣懇直宥勿罪士林
壯之尋左遷黔幕還迴十餘載乃晉食事衆議以至
憲副皆貴州而揆文奮武卓有擔當然以耿介不諧
於時免官歸不入公府言動悉準諸禮而性嚴重疾
惡如仇尤不治產業歿未幾家無以給所著述以乏
嗣放佚不傳傳者有郡志四卷

萬文彩字國華臨安衛籍嘉靖戊戌進士令富順成
安兩邑老成練達祛弊節冗兩邑尸祝之權南戶科
給事中彈駁不避權要疏禦虜馬市皆切中邊計出

參議責藩賑饑民擒白蓮盜以功加俸一級陞四川
威茂兵備退生番之寇蜀遣賴以安尋有粵西叅政
之擢遂浩然請告予致仕歸家居閨門日娛書史晚
布自適澹然無營展墓睦族之外毫不置念有荒災
數畝爲豪輩壅其水道子姓以告笑不答其量如此
壽九十卒卒之日太府齊恒省柯雅重行誼卽請表
章祀鄉賢焉

蕭崇業字允修新安所籍隆慶辛未進士以庶常授
兵科給事中歷工戶二垣先後封事數十上桀士習
之侈靡閭閻河之支流劾安慶之欺蔽調驛傳之苛
刻時冊封琉球當以給事中一人往其地在海外使

臣以生還為幸

旨下久未有應者序及公慨然航海往觸昌危險竟致王命於屬國勾當歸晉兵科都給事中量移歷太僕太常少卿南太僕卿晉南都察院右僉都御史提督操江易將領嚴干振加意禁戢江防肅然以念母陳情迫切予告歸未幾

廷推內臺尋卒

賜祭葬如例公識度宏遠蘊抱淵邃生平無疾言遽色人有相杵者當前即化絕無怯懦為諸生時以都試泛舟漢池忽遭風濤了無怖色同行者或相聚而泣公獨以談笑寬之自通籍林沐歸里以及林卧杜

門掃軌絕迹公府有造其廬者亦鮮得見焉郡有泰
戎不能束其部伍散民廬舍禍及公宅鄉人請發白
之公不應遽命匠葺其燬者諸所坐鎮雅俗類如此
所著奏議及使琉球錄南遊漫稿共若干卷

包見捷字汝純郡人幼穎秀容止都雅八歲時太守
錢公見之試以七言應聲而對錢公大奇之己卯以
總髮薦賢書試禮部不第益折節下帷己丑成進士
選庶常與劉雲嶠董玄宰焦弱侯遊諸公咸稱之館
中試課與諸公競典識者謂是當留爲史官無疑瀛
洲散後竟出爲禮科給事中歷吏兵二垣陞戶科都
給事中萬曆中葉遣中貢分出權稅採金於山皆關

切戶垣每

中書出輒以諫章凡十餘上最後率諸諫官補牘以請辭意激切

顯皇震怒將逮至今讀

嚴旨二百餘言所最怒者如云礦店稅課非王官等招兵立營陰蓄異謀之比又云黨護庇私要君賣置正與所題徹中官弭亂本之目相應震怒宜矣聞政府挽回始薄譴貴州布政司都事退處田間構小齋歎架雲床任心探涉用是實學取精前人更研究本朝典故有猷畝不忘君之意都臺陳公以修通志屬之時有事西郵書法不隱又紀順大用兵與原題及

奉

詔處分猶如蘇越當事者以不便傳布竟未授梓其
草載諸故府多所增竄非其筆也先後十七年臺使
者以遺賢乞

環詔䟽上一切留中至癸丑始

詔入爲戶部主事之卯至試粵東入設多英特士後
南以

廷對得及第者稍遠聖卿尋晉周寺左

朝公卿以捷熟於典憲凡大議輒就諮詢多所匡濟
時當出撫保定業有成議及

廷推竟他屬久之始以僉都御史填江西章上彌月

不得

昔有官祿貴人可速化者拒弗應後

其亦竟界之至江右戢宗人練軍實甄流品咸中歟

要庚申

顯皇遺詔盡補卿貳始推刑部左侍郎

先帝在春宮素知見捷賢時簡主節明年入京師護

喪之

慶陵不勝勞役臥病卒

詔贈工部尚書

賜祭葬如令甲承歲部議候類

奏加謚捷見地明遠特論以正家居時葺新第對鄉

人朱萬壽謂是宅自吾有知己兩易生人矣不知他
日誰復居此吾今爲後人董役其語透脫所著書未
見編輯每見其詩文一種簡古澹泊之致讀之灑然
與其人韻度若相映帶矣

永昌府

蜀漢呂凱字季平永昌不韋人也仕郡五官掾功曹
時雍闓等聞先主亮驕黷滋甚都護李嚴與闓書六
紙解喻利害闓但答一紙其詞倨尋又降於吳永昌
在益州西與蜀隔絕而郡太守數改易凱與府丞王
伉帥吏民拒闓闓投檄求昌意在迫脅凱答以撫詞
旨嚴正錄是恩威內著爲郡中所信故能全其節及

丞相亮南討閬爲高定部曲所殺亮至南中表
奏能仇等執忠絕域中有餘年雍圖高定偏其東北
而凱等守義不與交通以凱爲雲南太守封陽遠亭
侯會夷叛遇害子昂祥晉太康中獻光球五百斤還
南夷軼尉其後子孫三世爲永昌太守李雄破寧州
諸呂獨不附舉國同守世稱其賢

本朝楊元字務本部人潛心理學終日靜默頓悟郡
子先天數學人有明者言無不驗爲諸生卒業太學
而歸遂隱居不仕幅巾深衣甘貧樂道從學者甚衆
當路重其人亟饋之無所受或封識藏待其去作通
之所著有納甲圖九主數學基指南行於世稱曰楊

象山先生

張志淳字進之郡人成化庚子鄉試第一甲辰進士
弘治間授吏部文選主事歷陞選郎遵職掌公輿論
用賢板滯門無請謁與天台黃元昭先後齊名正德
初擢太常少卿提督四夷館懋入館子弟空名之弊
俾舊習一變時論多之晉南京戶部右侍郎尋致仕
晚年以圖書自娛所著有南園集西銘通南園漫錄
未昌二芳記諸書年八十一卒又公與新都楊文忠
公素厚善一日小飲文忠寓所文忠之弟左司馬廷
儀及一二代僚燭下分韻以石榴為題有一公得張
字難之一公以曲子名為戲偶司馬座下有童子苦

耳語者問之曰若言無傷石榴本張騫事也一座皆
驚文忠曰此兒好看古書因詢公曰亦有一子但日
引來見次日與俱來兩人年相若且臭味同也是爲
文忠公長子慎公之子舍終身爲金石之交慎平生
永昌與舍劉蓋合蓋元定

曲靖府

漢尹珍字道真牂牁郡毋歛人桓帝時自以生於荒
裔愿從汝南許慎應奉受經書園緯學成還鄉里教
授於是南域始有學焉官至荊州刺史

晉謝恕字茂理牂牁郡毋劄人咸和間寧州爲李雄
弟壽所破雄盡有南中地惟恕不爲用獨保郡城以

事晉官至撫夷中郎將寧州刺史冠軍

傅寶字紀圖牂牁郡平夷人仕爲尚書郎長安令時
號南州人傑

本朝張璠字廷璧平夷人成化二年登進士第八年
授南京刑部主事歷官員外郎中以明允著名尋陞
重慶知府遇事迎刃而解郡中翕然太治丁外艱服
補重慶治績卓異弘治初南贛閩廣夷寇爲亂陞江
西兵備副使既至治城池積糧糗練士卒修器械設
險隘防禦建七縣城堡人皆稱便偶與當事者論不
合拂衣遂行于是盜復起都御史鄧廷瓚特奏南贛
不可一日無璠特

詔留之遂築南康城新學校盜聞風解散尋以疾辭
歸璵剛直不阿盤錯能立斷墨吏斂手比歸囊中無
餘資

項璵字國珣郡人剛毅有大節優遊山水輒有題咏
教里後進以良知孝弟爲指歸提學童軒欲奏補
郡學教授不就學者稱爲清慎先生有二孫薦賢書
人以爲餘庵云

潞江府

漢李恢字德昂建寧俞元人任郡督郵因建寧令爨
習違犯事坐免官太守董和以習方士大姓懼而不
許後貢恢於州未至與先主遇於縣竹先主嘉之遣

恢交好焉超超遂從命成都既定先主領益州牧以
恢爲功曹書佐主簿後爲亡虜所誣引恢謀反先主
明其不然更遷恢爲別駕從事章武元年庾隆都督
鄧方奉先主問恢誰可代者恢對曰人之才能各有
長短孔子曰其使人也器之且夫明主在上則臣下
盡情是以先零之役趙充國曰莫若老臣臣竊不自
揆惟陛下察之先主笑曰孤之本意已在卿矣遂以
恢爲庾隆都督使持節領交州刺史先主薨高定忌
雖於越雋雍圍敗處於建寧朱褒背叛於牂牁丞相
亮南征先鏖越雋而恢按道向建寧諸縣大相糾合
圍恢軍於昆明時恢衆少敵倍又未得亮聲息始謂

南人曰官軍糧盡欲還吾久居鄉里乃今得旋不能
復北欲還與汝等同計謀故以誠告南人信之稍解
嚴恢伺懈出擊人破之追奔遂北南至盤江東按非
河與亮聲勢相連南土平定恢軍功居多封漢興亭
侯加安漢將軍後軍還南夷後叛殺害守將恢身往
招討鋤盡惡類徙其豪帥於成都賦出耕牛戰馬金
銀犀革充繼軍資建興七年以交州屬吳解恢刺史
更領建寧太守還居本郡徙居漢中九年卒子遺嗣
恢弟于球羽林右都督隨諸葛瞻拒勤父兵敗死於
譙竹

本朝楊以成略南州人以明經爲貴陽南通判分署

畢節衛積資論勞陞同知仍官其地天啓二年水蘭
交閩成潛具蠟書告變滇撫發兵西援至畢節賊兵
圍衛城以成督滇兵與戰却之已而賊兵大集滇兵
遠來勞逸多寡勢不相敵成知事不濟令吏懷印乘
夜取徑路走貴州而自己承守當賊鋒未幾城陷成
投繯署中不死賊擁逼入營隨除館於火掌宅中成
無變志賊遂殺其家口十三人獨其弟以榮不死成
又將賊中情形函付付榮復入滇中告變行至散納
溪爲賊所獲得其書遂併以成殺之黔中丞以聞
請贈官卹其後且建祠祀未覆

蒙化府

本朝雷應龍字孟升弘治甲子舉孝廉雲貴第一正
德甲戌成進士授莆田知縣條行八禁皆切時宜巨
璫遣人督貢方物甚橫力折之虐焰少沮至於均徭
平賦築堤堰毀淫祠大愜民心爲御史奉

勅巡鹽兩淮匡濟有猷政暇引諸生講正學江都祠
堂歲久圯壞檄有司拓而新之嘗因災異疏八事白
務實學親大臣放官人去無益正禮教改編發宥罪
謫均賦役

世廟嘉納尋有中貴人營乞織造得請公又抗疏極
論不報憤鬱而卒

左重郡人以鄉舉授灌口令雅意名節樂談玄理天

其丰標卓犖於邊裔地最稱得人會者崇明及重慶
自重慶窺成都圍城數匝城中堅守望附近援兵不
雷雨之同枯落也重聞變投袂而起榜示所部軍民
謂灌去會城咫尺又北控土番成都圍藩夷必生心
是首尾腹背交患也何如鼓行入衛豈惟免於患且
有功邑人多應之者逆集義勇如千人肅隊而趨直
薄芙蓉城下賊乃暫釋攻圍反兵相向雖多寡堅脆
之勢已在目中而氣摩青冥曾無阻色已而虐敵彌
熾向所驅良家子健兒僅存者幾何陳馬蹶蹄仆地
無救雖有馬革無從收其殘骸圍城之中黯然欲望
離堆青城間招魂而吊殤者首以矢火爲慟事

贈尚寶卿廕一子蒙化衛正千戶世襲

鶴慶府

本朝趙德宏字有容郡人舉太累官慶府長史孝友
謙恭父遠爲按察知事在京病痢竭力救有出醫藥
之財者及政哀毀骨立徒跣偕傭公肩輿以歸既葬
廬墓三年有白犬自來相伴小鳥巢於桃樹呼即啄
食知府汪標聞而異之親至墓所慰贈有加巡按御
史唐龍奏

聞榜其居曰孝子趙氏之門歷官所至以清白稱判
順慶日郡有疑獄三事久不决宏一訊洗其冤者十
餘人及知潼川贖錢悉令輸粟得粟萬八千石明年

蜀大饑死相枕藉獨潼川得免潼川城圯數年莫能
興宏指置重建暮月而竣民不知勞潼人爲立祠祀
子恩郡諸生能繼父志教事繼母以孝著

彭富字仲禮郡人貌魁壘負義氣嘗以鐵燈發擊豪
奴之習其主者弱冠舉鄉試第一壬戌成進士授崑
山令入爲戶兵二部主事出守紹興以廉操薦異等
歷黔觀察副使叅越大藩黔觀察使蜀中左右轄越
士大夫久而稱之以爲見判若垢先後平李富征十
寨討還越切以功受

賞而清憲平僅一洗出納之弊於左轄時尤著其經
濟大畧不遺微細蜀中府局藥材流弊盡爲辨驗油

漆黃白臘皆有法刻爲書冊今供去其籍四年巡撫
貴州節縮鎮靜夷漢帖然未幾言者撫恰它事論之
特旨予對銜致仕自邑令歇歷中外三十年家無厚
產蔬食敝袍恬然自適而性剛介不妄言笑有古人
節槩卒後子孫不以聞遂負

國典或公有遺命非所知也

姚安府

元高泰祥段氏臣高昇泰九世孫宋理宗二十二年冬
元兵伐大理泰祥與元將伯顏不花虎兒敦等相持
退至統天堡募三十七部酋長相助未至而元兵已
入其國泰祥爲別將所執俘以獻世祖訊之不屈欲

官之不受遂被殺臨刑曰段運不回爲臣死忠事畢
矣時烈日正午忽怒雷大震世祖曰忠臣也命收其
屍葬之恤其孤高壇世其官

鄉賢目錄

雲南府

蜀漢孟 琰

宋 張 俞

元 王 昇 張景雲

本朝李 忠 張 通 尹 葆 洪 誠

李 灝 段 鑑 楊 益 楊 靖

張 壽 張 淑 李 暢 張 謙

官 廉 趙 誠 陳 安 剛 正

施 全 李 春 呂 禴 趙 璧

夏 暹 傅 澄 劉 顯 唐 谿

吳九功 繆向 張詡 陳淳

胡山 王輔 朱尹 張其恭

李良金 黃敏才 胡廷祿 張素

黃鳳翔 羅江 陳常道 劉輔

高第 唐金 華山 李瀾

李俊 潘鳳麟 郭文 張維

李尚文 金鎧 陳連 葉仲

周文郁 余應貴 楊秉和 周裴

劉體仁 楊經 孫光遠 張時舉

石銀 顧天祐 張橋 錢純

胡鳳來 楊鈞 朱朝冠 龍施

郭斗王制嚴思恭孫繼先

朱運久李聞馨張四維張董

李承慶王希堯朱運昌孫光前

徐朝綱劉昂新

大理府

漢商承

唐尹仇寬楊奇鯤

宋李紫琮

元楊昇段福段曰子阿慶

陳惠楊淵海楊保楊名

蘇隆子仁壽

本朝蘇海正 蘇楫 董旻 蘇正

楊禹錫 楊節 趙昇 楊宗道

楊榮 楊春 楊禧 蘇芳

趙彥 陳時雨 杜亨 楊祥

楊子淵 段子澄 李華 趙弼

戴仁 包文偉 張敏 楊鵬

楊麒 王應奎 李素 張鳳羽

趙儀 趙仁 張雲鵬 李銳

朱鳳 高昂 姜勤 楊富

何邦憲 楊佩 王嘉麟 吳堯獻

周臣 鄒堯臣 楊元吉 高崧

楊宗堯 楊子美 楊賢 李斯文
屠鑾 蘇時 史大經 常憲
徐泉 董難 葉松 吳懋
何思明 趙以康 楊時新 董金
李子明 何朝藩 李薇 阮尚賓
孫愈賢 楊若子 李嗣善 楊如楨
何思明

臨安府

張文禮 張瑛 李旺 楊鈞
田容 邢幹 張文榮 楊昇
王泉 王璟 張輝 繆璋

喬瑛 李文中 劉涿 黃玉

王廷表 唐鰲 包傑 吳廷秀

繆宗周 徐澗 趙汝謙 紀經倫

楊廷相 李遇元 吳希賢 李繼祖

龔廷璧 許鉉 王來賢 黃立中

王思民 李繹 尹鴻漸 包萬花

金時相 譚繼統 孔聘賢 卮祺

永昌府

本朝丁嵩 張昂 姚方 湯琮

滕檣 萬綸 吳章 王澍

張預 張志信 林廣 王統

戈諫 張潤 劉漢 閔鏞

張鍾 張含 節 舉 張合

吳潤 吳璋 胡景 吳宗堯

石霽 邵惟忠 鐵世材 馮繼龍

薛繼茂 石應蒿

楚雄府

宋 高量成

本朝王用之 趙濤 陶鎔 何鑑

宋 鈺 李啓東 俞經 何漸遠

俞沛 俞緯 安鏞 俞汝欽

李瑜 孫繼芳 丁世用 安祚

朱萬元

曲靖府

三國襲習

晉襲深

南北朝襲龍顏 襲瓚 襲雲

唐襲歸手 開冊居集 阿呵

本朝施繼先 張濂 胡潔 陳漢

陶廉 唐時英 柴宗儒 繆良玉

莊自勉

激江府

本朝蘇興 李藩 趙禧 張寧

董雲漢 席大賓 趙漢 侯必登

鄭起

蒙化府

本朝官 仲丁 昶玉 綱朱 璣

陳瑛 朱光霽 劉揮 李茂

徐鉉 楊剛 官直 張烈文

范元愷 危以平 劉師周

鶴慶府

本朝趙和 李文海 李繼兒 趙子信

陸經 朱珮 楊懷玉 樊巍

張勉 尹端 尹竭 李璿

田節奚謙 查大聘 孫瑜

張宗戴 查偉 吳堯弼 楊邦器

段高遷

姚安府

本朝李霖 劉鈞 李散

廣西府

本朝楊洲 高遷 趙鳳翔

尋甸府

本朝施繼宗 趙愷 馮世傑 必沙

武定府

本朝楊忠誨 尹淮

元江府

本朝施大節 李介

慶江府

元 麥宗子良

本朝木公

順寧府

本朝猛蓋 猛卿

永寧府

本朝卜都各吉

北勝州

本朝周賢高策孫祖譚昇

陳瑄 張宗楚

鄉賢

宦賢二祠列於學宮鄉賢之名所繼起未有可食於

朝廷而不可書於地志者也今彙郡邑所注名籍以爲宗準及先被推舉復覈未果而年久化爲陳迹者事久論定若遠若近耳目所睹記裨官野史無意而及之田野老更追述而樂談之者咸佐筆底不敢廢之前志有味乎華陽之志真故曰侏儒之民并白之端彙列必悉而志草則曰不然古之人也慙今之人也智而已矣恐陽秋之爲譏墓媚矣而月旦之爲游揚刻畫也蓋李之辭恕故衣冠晉

代而思嚴其楚楚包之辭嚴雖接李氏而成書似
傳言傳疑居平也況今日乎唯愚自結髮受經春
秋說是經者曰公好惡定是非吁厥惟艱哉曰善
善長惡惡短良以求備金修千古不一得取節長
善舉一而可也然較短量長猶然直喙者滇在城
中久補坐阻不敢望三代以上人物自兩京至三
國之季浸浸濫觴矣乃有縱舍威懾之人如孟獲
者儼然列於賢科果可藉之隔山川生色耶在近
日則楊林蘭茂與安寧張維齊名茲載乃施光祿
作邑秉旆而去之不遺餘力省誌難復錄今并削
焉曰果若此言如人子之於父母何曰唯然於志

草鄉賢列女先二人寔與焉方草志時不肖兄弟
俱外遊或里人謬採而主筆者謬入之耶昨歲始
一攤閱不任父書杯棬之感欲廢不忍欲存不能
回念曩者四辭于最初一念是矣旋白諸臺司咸
曰無庸此公典又昔人舊載也今編輯至此幾欲
廢蓼莪而交謫力爭舉族有口不得已仍其舊貫
不敢益一字其知也幸其罪也不敢辭

雲南府

蜀漢孟琰珠提人孔明南征收用豪傑爲官屬因舉琰仕至輔漢將軍

宋張俞益州郡隱士康定中上宰相呂夷簡書請先治內而後治外其論甚正

元王昇字彥高郡人縣大理中慶學正累官曲靖宣慰副使文章政事名於南詔進則能得民退則以道自樂有文集若干卷

張景雲字天祥郡人優于理學能文章授登仕郎本朝李忠初名持郎人洪武二十五年選貢入監高皇帝宣見便殿賞賚甚厚賜名曰忠雲南舉進士

自忠始後任陝西鳳翔知縣威惠兼濟有循吏風

張通字仲宣郡人通經術文采煒然洪武中任雲南府教授

尹葆字士蓋郡人永樂初繇鄉貢任會川教授有文行卒於官

洪誠字克敬郡人少刻苦厲志行永樂辛卯中式第一登戊戌進士累四川順慶知府宦績所至皆以廉明稱

李瀾字志剛郡人宣德間任交趾道御史持憲法中載爲總憲軒輊所器重薦於朝

召用未至卒

段鑑字至明郡人宣德間任四川嘉定知州斷獄如神尋陞廣東惠州知府卒於官兩地民皆爲立祠楊益字用謙安寧人授給事中陞知府資賦冲虛政從惠愛

楊靖安寧人歷官卽署無間於鄉評

張壽安寧人舉鄉試第一四爲廣文祭酒李時勉翰林孔有諒皆贈以嘉言解官歸田鄉人服其善

張淑字子善郡人宣德庚戌進士任監察御史陞按察使持風裁伸紀法

李暢字時亨郡人舉人歷官貴州思南知府以惠愛稱

張謙字抑之郡人宣德初貢入監選授監察御史巡按江西風采稜稜監臨鄉試之役防維縝密內外截然一清陞湖廣副使卒於官

官廉字惟清郡人舉人宣德間任禮部主事歷官四川叅議事母孝居官正直人咸稱之

趙誠字仲富郡人監生任瀋陽右衛經歷有政譽尋陞江西湖口知縣任滿民奏留復任九載加縱六級俸後改四川仁壽縣溫仁謹厚撫字有方歸老於故里閭敬慕之

陳安郡人舉人歷官戶部主事歸一時月旦咸稱君子

剛正字守正郡人舉人歷官江西建昌府同知乞歸以耕漁自給壽九十終

施銓字文衡郡人舉人任貴州永從知縣有惠政民立生祠歸田以龍經授其門人及門者多知名士所著有東軒稿

李春字景新呈貢人中景泰庚午鄉試浙江嵎縣知縣牧民盡職當道以異等薦之未幾卒

呂禴字宜簡郡人舉人成化間知湖廣隨州嚴明廉慎七年如一日年幾歲發便宜出倉廩賑貸大祭以鹿豢非隨產也民艱之禴曰神不享非類以羊易之初夏民有納祗候錢者禴曰五穀未登錢必假貸如

醫瘡利肉何郡之化事率多類此

趙璧字龍完郡人成化壬戌進士歷官主事員外郎
神太監蔣宗誼奏南科後湖不法事行璧勘直之宗
奏璧右科道左遷吉安通判歷四川按察副使所之
多著政底誦示天下歸著書有茶花譜詩文集

夏違字景升左衛人弘治甲辰進士歷湖廣叅藩兩
任皆有廉聲所擢却及除草金甚多陞苑馬卿適禦
虜用兵軍官以首功數十歸公公峻却之官至廣西
左布政卒於任孫較以明經典學黔之畢節祇今三
世一貧可知其賢矣

傅澄字景深郡人少從張英學易英奇之頃正德丁

酉鄉薦任四川中江教諭歲饑捐俸爲粥以濟貧
時有司所濟者去一眉爲識公德否人皆德之時公
之嗣遂舉子良弼有奇徵自是遂絕意仕進請老歸
田課其子良弼正德癸酉舉人甲戌進士任吏科左
給事中贈公如其官後以生母在堂求終養遂不出
林臥自適市義不靳施予每遇寒食凡親故絕嗣者
絮酒卜牲奠其墓公入蜀名宦祠良弼入漁孝子祠
俱崇祀祇今子孫接武繩繩焉

劉顯嵩明人舉人內江教諭以師道自任祠祀四川
名宦

唐谿郡人進士爲西曹卽持法不阿有客懷金夜入

其閉却之亦不發於人歸田耕于普吉退避權門若將免焉人稱貞碩先生

吳九功字時叙郡人舉人任禮部司務歷太僕待丞山東倉事齊東歲儉貧民相聚爲盜有司莫能制公單車抵賊巢諭以禍福令歸農畝皆感泣解投爲良民以勞瘁卒於官士庶立祠祀之

繆白字元素郡人弘治乙卯舉人司訓嵎峨教授思南以經學授生徒門多問學者陞成都通判董師徒征番夷嚴戒妄殺誅渠魁而止攝司李讞獄吏無害多雪冤抑遷麻哈州知州蜀人以碑識去思新都楊文忠公贈之詩麻哈有宋姓者以豪傑爲不法公廉

得之欲竟其獄直指不可鬱鬱不自得請初服歸事
母曲盡色養母歿哀戚誠慙林卧四十餘年以盛德
長者補于里閭及卒貧不能具殯殮子孫稱貸以襄
事焉

張詡邑人舉人任南充訓導蜀士文章多所點定聲
稱翕然

陳淳字唯素呈貢人弘治辛酉舉人爲浙江秀水縣
教諭陞南直太平府通判值滇中安鳳之變萬念丘
隴掛冠歸督學吳公鵬調滇中諸博士曰學師當以
陳爲法總督伍公文定建節時造其廬兩公皆秀水
人其得士心如此太平有疑獄公辨之其他善政及

人者多每用旃檀刻公像祀焉居家以詩書自娛不
葺園廬不治產業言論篤實不欺屋漏給諫傳公良
弼稱其恭儉則富既仕而貧嚴於義利明於出處生
今鄉人言耆舊必稱陳澹齋先生云

胡山字拱辰雲南左衛人舉人仕四川榮縣教諭以
家貧母老乞歸授徒著書人號卷石先生

王輔郡人舉人四川南部令在任豈弟節儉還學得
地形遺後科名之應捷焉人以言貌心行稱曰古君
子子廷臣遵訓早著孝友聲跡龍安二守歸以食舉
父子同日俱入祀

朱尹安寧人中正德庚午鄉試初仕崑山學諭陞國

子監助教聲傾六館守巴州多善政歸里澹然有逸
民之風

張其恭字安甫郡人以孝廉仕爲縣令免官歸隱於
北郊岡頭樹足不履城市接襁執耒耜躬耕以終
李良金字南夫郡人舉人四川武隆知縣剛方廉靜
勤處酉陽夷情兩造輸服罷官將歸贐以金盡麾出
不顧歸隱於北莊口爲小兒醫擄諸藥各爲一囊視
病之所投合而授之每每奇中所保赤子類全活者
無算人皆稱李北村精於醫竟不知爲舊令尹也與張
公皆誓不入城至老死不相背負古曰長爲農夫以
沒世又曰生不爲相當爲醫兩公之謂乎

黃敏才字性之晉寧人舉人孝友恬靜由學訓歷解州知州九江同知皆有異政守石阡府征交南卒於途仲子員外郎明良扶親歸葬所遺僅僅書篋而已胡廷祿左衛人正德丁丑進士官南戶部郎中與呂涇野鄒東廓諸儒講筵山學淵爲河南按察副廉會肅皇南巡渡河以宮嬪舟後至逮督無及公俱聞籍歸田足跡不至公門以篇什自娛吳興顧公應祥與公同榜先後撫滇數年中未見也其後遷秩長行之日造其廬促之不得已而出良久以果酒促席縱談從者駭然以爲未始見也因別於其家嚴太宰云嘗往拜公庭除淨掃燕冠常服竟日無惰容每授餐四

豆而已然多蘭蔬可想風韻所著書多散逸楊光祿
書謀詞曰康桑深居地柳開戶城闔如林松竹爲伍
曰篇裁綺縠思入清新曰君詩可傳君詞可誦藏諸
名山副在洛誦公爲人與其文如是

張素字李文安寧所人生有異相登嘉靖癸未進士
歷官四川巡撫都御史以才諳著閩歸舍恬靜無營
品高月旦

黃鳳翔字冲霄郡人與其兄鳳翔少相師友始時爲
諸生下第作擬錄監臨者見而嘆之會觀風合試唱
名諸弟競美餘乃及他人嗾猶未釋偶刻新碑令楷
中索摸之限以五索不待五而呈其依古點畫一一

不遺始驚異稱實是後屢試不偶於遇至己卯初場
經義又自覺意興不甚場果爲房考黃司李所棄二
試場卷因盡擲地下不寓目矣忽於棧間間拾取其
表讀之則端午謝賜色絲川扇言言切中駢麗精絕
司李驚喜盡搜而細評之遂薦入高第至丙戌賜進
士爲西曹郎尚風節有閭閻監當嬪寶簪尚書唐漁
殷公之塵主屬官鞠之乃直窮其狀唐大恐謂公構
禍遂麾爲重慶守因訊黃總戎事執法不阿爲當事
所忌拂衣歸杜門理舊業所著甚富蜀人簡而與會
間升庵公曰黃竹泉平平耳曰公無言如竹泉者字
內未易得也其後當路取其集欲刻不果爲門役所

獲數年前聞尚藏一孝廉家今不可覓矣

羅江字孔殷嵩明人天性英敏弱冠登進士授建昌
節推直躬厲操抑折豪強卒於官士民哀之祠於南
昌名宦

陳常通字子中呈貢金絲鄉舉為學諭登嘉靖丙戌
進士授富順尹蠲鹽課賑荒民尋陞主政疏

請終養服闋補陞常德守屢辯疑獄運麻陽兵餉有
功陞建昌典憲乞歸杜門靜習潛究五千言取薛西
園註釋手錄而心惟之參以敷論多所獨契至晚年
所造益粹今讀其語錄透脫銓外庶幾悟者乃知里
中所傳預知化去時日不爽召族黨為別匪慢也孫

宗虞有薦行明經未仕率以子爰諏進士第仕爲令
贈如其官爰諏歷吏部主事護

梓宮之

慶陵奔走勞瘁卒

贈光祿少卿

劉輔字少鄰乙未進士仕至司徒郎歸素與閩中鄒
公應龍厚善鄒公來漳每事共公商確公首倡增額
之議爰力爲從與一疏增至五人至今五十餘年兩
奉

恩詔所增之數不能半乃知公之功遠也子應春明
經不仕嗜學積書孫安民中嘉靖戊午鄉試娶于錢

安民早卒守其節育子及孫今年八十餘矣直指觀
其事旌之

高第郡人嘉靖戊子舉人任延平通判少孤家貧以
孝弟力田爲律孤介嚴毅至老不變後進廩廩事之
平任鹽壬子舉人初仕劍門歷貴陽丞擢本省食憲
遷少叅蜀藩一味和平真慈得士民心歸家杜門著
述有禽癖非其產者雖遠必致白鵬錦鷄而下皆哺
雛以小童司之客至縱觀多見所未見者晚年達人
之江陽市雙鷄至中途俱化爲鳥有意殊不樂尋卒
著述存者僅環言一種餘多散逸諒書甚精若乃純
趨尺步軌于人倫超於流俗遠矣

唐金晉寧人舉人歷邵武同知吏事勞能爲最里居
醇厚有餘

華山字邦鎮宜良人弱冠爲廩生繇激負米以養舉
鄉薦歷順慶教授致仕溫恭和易教四子皆入仕途
李滄祿豐人歲貢司教十一年士林資益居鄉不逐
浮靡方伯陳公善並稱之贊其像

李俊易門人舉人仕止湖廣滋陽知縣雅甘澹泊清
風稷然婦子不能仰給

潘鳳麟易門人歲貢四川宜賓訓歸田養母與兄同
居歲荒作粥以食鄉人之貧者

郭文字仲炳郡人隱居不仕能詩有舟屋集傳於滇

張維安寧人生而穎異絕意科舉其行可表鄉閭著
詩文若干卷

李尚文字文中昆陽人卜居會城博學多聞不樂仕
進偕子滄過留都構子史千餘卷於家以教授鄉人
自號醉樵居士

金鑑郡人筮仕得知墊江監賊猖獗有保障功

陳璉昆陽人舉孝廉仕德陽教諭以端方範士解官
歸甘貧訓子不以窮愁廢吟頌填撫教公參藩李公
訪其廬踰垣不見萬曆末崇祀

葉仲字汝南呈貢人居郡南郭外周矩魯絕奉焉趨
步無一言一動一時越逸小子後生居講席而考問

後以貢而歷新州學正歸於故廬不輟出遊年八十餘終

周文郁邑庠生得五雲淳厚之氣爲多身遊方內心
在胸中士林無不服其義者晚年失聰貢試之日爲
副所給學使以副言問之唯唯遂爲所得及覺知亦
無競也後其子選祚以貢仕廣文道遠不能卽歸中
途卒竟不祀

余應貴字夢徵韶人舉人幼孤事母至孝嘉靖中葉
爲灌口令保民如子採山大役報成而民不擾京師
相傳蜀士大夫之歌曰川中循吏有三山公以別號
仰山居其一擢重慶三守清戎理隘有能聲以丁艱

服闋補衛輝晉南康知府興學正俗均田糧息盜賊
木

覲卒

楊東和字節甫郡人初尹臨漳却金辨獄遷汝寧會
崇府奪地自附並疏

聞下臺臣久未決即慷慨啓

王陳利害還所奪地以歸民時稱廉能歷刑部員外
郎援例乞歸敦倫睦族長厚聞於鄉

周裴字公輔楊林人嘉靖丁酉鄉舉遷新蔡諭攝汝
陽邑符救荒全活者衆令蘆山彭縣咸有惠政洽于
民人入彼中名宦移文本州入賢祠

劉體仁字元卿郡人舉人歷保寧府通判嚴教溫平

慈心惠政卒於官

俱出志單今增者累贈四川布政司右參政崇祀新繁縣名宦

楊經字子正郡人進士縣富順令入為郎署出守城

都以平恕為吏歸里居施藥餌佐婚葬多有隱德仲

采同春以孝廉高科兩令息萃得有遺愛遷南錦水

經歷臺于官太史宋公之薨銘其墓

孫光遠字紹先舉人任順天教授歷國子助教都察

院都事以父憂南歸遂不出養重林舉國十餘年絕

跡不入公府惠愛宗族貧乏賴周給者若而人人以

其陰德比叔敖也

張時舉郡人漢子鄉薦任平陽府通判賦性溫良省

以孝友稱歸田教子伯子繼芳舉嘉靖甲子鄉試
判檇李以才見用令鹽官一帶河塘皆所規畫鳩工
而成者

石銀呈貢人嘉靖庚子鄉薦令四川合江縣遷陝西
隴州知州所至以豈弟拊循其民而薏直不善宦左
遷

韓府張史父老詣

關上章言願借公數年天有追隨至家勸駕再出者
公答以詩有歸來猶種舊時田之句竟隱於大漁村
自食其力薄田敝廬之外無所增益窮約終身無過
色

顧天祐字吉甫郡人嘉靖癸卯舉人任建始令孤城
介在夷峒歲比不登艱虞百端公竭力保障招輯蠻
黨綜覈隱占數年中邊鄙寧謐還保寧別駕捕大盜
得其盤踞之窟盜黨密長以重賄丐死却之卒窮治
其嚆類咸服致致政歸里以經學授徒謝絕徵逐杜
門講業所著浮談暑說等書藏於家畫小像自爲讚
謂生平無愧怍事卒年八十餘

張橋字衡如郡人嘉靖己未進士授水部主政管南
旺閘河刻意河防運道不滯竣事還京擢寧夏兵備
倉事急葺邊牆重罰剋軍者西賊爲之捲幕尋以浮
議罷歸精心墳典自六經子史旁及真詮釋典釋官

說藏不研究天才卓邁閉門掃轍萬言騰涌賓客
雜運凝神內注川奔雲瀾有梅花長短句懷母詩賓
中丞見吾陳公序鄉人傳誦其他詩文千餘首今皆
散佚尤精書法道勁通古至今得其隻字猶爭寶之
云

錢純郡人當明訓道嵩人士有夫子之稱歸教子孫
世經周易知歛十七舉推上賓壽九十六而終
胡鳳來郡人舉人幼警敏繇長吏入郎署出守臨川
所在皆有賢聲

楊鈞字子重嵩明人少刻志文學出藏書公於同
志者尋以禮經魁鄉試上疏

請築州城至今賴之守永安州苦節自甘卒於官囊
無遺積與其烈妻並祠於江上

朱朝冠字懋儀楊林人中嘉靖壬子鄉試錄涪州學
正爲汝川尹陞漢中府通判督兵征何勉屢捷賊有
內應夜舉火焚營身歿而名不彰不見酌賞識者有
遺恨焉

龍施字德敷前衛人嘉靖乙卯鄉試第一初仕蛾眉
舉諭歷任戶部郎中所在聲稱藉甚陞河東運同以
母老乞養

溫旨予告家居二十餘年裏足不入公門當事者屢
薦不出澹然自樂著書之外制藥濟病時親親族有

緩急輒捐資力佐所著有露林蟬嘯心濟醫宗歸和
百韻田園雜興集字和韻林舉漫興選玄析韻羣書
集韻吟稿諸書及卒巡撫吳公定親為文祭之

郭斗字應宿郡人登嘉靖癸丑進士初令孝威伸疑
獄得真殺人者伏其辜

詔令為南戶科給事中母憂服闋補北垣轉山西按
察副使囊劄符寬民力觀察貴州安國亨構殺以夷
治夷罰粟而止平道途以利滇黔出入厯浙江左轄
致政歸萬厯初再起貴州導歸田里時賦詩作大書
構小樓於進耳山扁舟往來會心自適者十餘年一
夕亦在吟席忽擲筆於地遂不起從子維屏以萬曆

乙卯鄉舉爲真安知州征播之役著勸行閭士民有
去後思歷廣西太平守勘岑氏父子獄中立不抗入
覲中途疾作治之愈至京輒復發不能治遂卒今祀
真安州名宦

王制邑人隆慶丁卯名冠墨榜屢會第爲思南府
推官代郡守人

覲九省貴皆取諸其家行取御史例轉僉憲監司部
州又晉藩少參皆握彈壓之紀自能標植家本饒足
卽東粵稱一噍千金視之淡然北歸好義遇歲不收
出粟糶饑人任心出俸無定價未幾遽瘞卒

嚴思恭恭肅公再從子舉人署教諭教於方學者能

修其職謂當在國子舍中後擢日照令謂當內召爲
臺諫後又擢膠州守歷長沙丞延安太守本路觀察
副使南北郡邑皆有治聲及在邊郵虜入輒登俾獎
率將士維邊郵故事亦見其才力後論年歸以先世
在長水因南遊省其祖墓至長沙舊民攀留又盤桓
者久之乃抵家嘗自言仕途與恭肅公同時公如勁
松古栢不任牽引而已亦蓬中麻江上芙蓉其言蓋
寓感慨然益見恭肅公并見恭矣

孫繼先字志顯郡人自少以端介稱領陞慶庚午鄉
薦居喪謹守禮度並仕興化教諭輕則愛士攝邑不
擾語載興化志中遷丹稜知縣奉檄紀驗臚薦招降

賦屬三百衆蒙

賜金再遷上右西知州州故爲思明黃酋竊據弘治中始討之收其印付流官仍以其地轄於酋州治荒僻流官視爲畏府率寄妻孥於太平歲一履其地若寄公然繼先始攜家居之闢草萊拓城甃井奠其神人比於列郡事載粵西通志中洎遷承天同知有築堤救荒之績左遷荆王長史晉中順大夫歸以古禮倡邑人冠婚葬具一軌於制見人服食華靡常曰攝之人憚其嚴有易服而見者稱篤信之儒者云朱運久安寧人隆慶元年恩貢初選府通判陞提舉請告歸居鄉不輕人公府干預時事不置田宅僮僕

守其戒斤紅馬陽城之人至今稱之子組纓貢士不仕以理學鳴所著收之錄多悟語

李聞馨字德華昆陽州人萬曆癸酉舉人任四川新繁縣知縣奉檄覈倉儲論罷委吏數人郡太守有鄉鄉曲人在論中令從寬政竟不顧太守以其能奉法亦竟不較陞茂州守左遷歸昆陽有鄉兵籍在藩司恒苦征調馨爲曰于右轄郭公去其籍鄉氓息肩萬曆四十八年崇祀

張四維郡人少有大志芥視一第至老不見收受既廩應論貢以次讓後已者數讓之後喟然受之仕至蜀令尹家在城北每出皆徒行人或問之曰昔爲令

止於東馬今在里門敢畏徒步乎其方介任賢多類
是

張薰字伯舜歸化人以鄉舉高第掌教中州是時天
司徒蒲坂楊公俊民爲督學謂其人與文在倚案中
不少概見乃優選六館國師得其所爲詩稱賞烏歷
大理司務西曹卽爲文無害獄無大小靡不稱平奉
命慮囚三川自信輕車熟路無能難釋之者所平反
一二與歲清相左直指示晉人怒之不可解亦不知
也事竟便道歸省明年內察流言中傷鄉舊相識無
一言爲別白者竟以苛論徙削籍家居鬱鬱久之疾
痺不起遂卒薰生平坦率與人無城府不自歛退時

露才情宜其及矣所居里名張富其始祖也葉易之
曰白雲手書表其里門其稿曰白雲齋書法本虞世
南詩在錢劉之間

李承慶邑舉人鄴水知縣三川難治之地指不多屈
慶以和易本色蒞之儉拙不得于州上官署中考遂
左遷所積俸不足供食指敗屋數椽容膝而已公門
絕影不事微迹居貧自適有世外之風

王希堯字惟中郡人有爲行稍不偶於俗舉於萬曆
己卯爲竹山教諭奉檄行邑事清屯戍隱占民田鋤
其豪有力者數十年罔累以獲陟鍾祥令會有

古籍故相江陵張公遣大臣督其事所株連甚夥以

奉行不稱

旨謫粵東臬從事稍遷義寧令捐煩苛與諸徭休息徭人驚悍時時以怨毒相讎殺惟誠譬曉輒投戈解免年餘盜賊衰止幕府嘉其尤異調滕縣以親老力請歸養侍眠食者十年其後研窮二氏之學手錄玄釋典不翅百卷晚年志益專不以病廢

朱運昌字際之郡人幼厲學強記中萬曆庚辰進士爲廷評洊更比部讞獄西川上虞因應縱者百餘人下司寇覆議悉無不經者出爲川東分巡副使再遷大叅分守川西條上錢穀畫一之制以稽侵牟及高下其手者頒布屬縣有縣令怠於奉行竟以移白劾

罷之風行三川累遷福建左布政中貴人銜
命出權稅與閩白多所沮抑中貴人思其心乃上書
乞歸即日登舟當事者挽留不得同官以倉卒不能
餞僅以果酒追至方抵里

神廟特簡爲右僉都御史巡撫福建自田間出秉節
鉞處之暇豫而網繆周防先幾而發凡園疆場及民
生吏治者所司方擬以壯達未具已被幕府符令處
分矣監司而下咸驚詫以爲神奉約束惟謹撫閩前
後幾三年海波晏然

朝廷嘉其功方待以異數畫屏事圜尋卒於官
上抹禮官言賜諡祭昌才識卓犖遇事洞徹底裏嘗

與人抵掌論海內士大夫每舉一人名輒能道其梗概識者謂當柄用建監必異惜其早世未究厥施孫光前邑人舉人授宜良學諭以數居舉首入補國子監博士又以序遷出牧沅水光前夙有慈念習知孔道疲於輪蹄不忍拂人以悅人凡事一從節約客過尋常草具而已州民鼓歌而播之其名聲於茲然人以此短之論調爲嘉興通判未幾歸以二鶴隨行李又未幾鶴亦他售盡其裝未足償夙負也今卒數年有子爲儒一貧可掬康吏之後且然弟不見優盡爲傳奇耳

徐朝綱晉寧人萬歷庚子舉人歷貴州安順府推官

視郡事會水西攻安順城陷被執至學宮令之跪不屈遂遇害其戚屬在安順者咸死之子戶部主事天鳳上書訟父序事始末令人酸鼻不忍讀也安順四土司中有叛者郡左右之役皆已陰從賊爲內應綱甫脫廣文爲李官代巡者奔走他郡一旦越尊俎而代尸視方視土司用命漢人無他或不虞其及乎要以義不降志死不辱身又足嘉矣

劉昂新呈貢人自爲一介士即存心利物鳳克發難邑中亂民有思揭竿應之者倡義勇先發禽十餘人邑民帖然歲儉常減價出糶登己酉鄉書任四川雙流縣知縣丁耆舊之變令縣民老弱婦女匿他所獨

與丁壯居守賊至開門延之入賊以爲易與競入其
治新與其僮僕持刀二賊出伏兵與之戰賊畏技無
所施死於狹巷者甚衆其後凡三攻之皆不能得志
遂督鄉兵援省城賊望其旂咸避之成都圍解以功
陞叙州府同知監兵攻蘭州斬渠魁魯仲賢收招萬
餘人以積勞卒於嘉州

大理府

漢南承邪龍縣人建初元年哀牢酋長類牢殺守令
叛攻越雋唐城太守王尋奔牁榆哀牢盡平今餘攻
博南燔燒民舍紹發夷漢九千人討之明年春應承
舉率種人與諸郡兵擊類牢於博南大破斬之傳首

洛陽賜帛萬疋封爲破虜傍邑侯

唐尹仇寬爲蒙氏清平官貞元間陳地圖貢方物授
左散騎常侍尋封高溪郡王

楊奇鯤樸榆人有文名其著述不少慨見唐詩載其
一首云風外波文吹又白雨中嵐影流還青江鷗聚
處窓前見林猿啼時枕上聞

宋李紫琮大理人以其王段和譽命爲進奉使入貢
於宋過湖南聞中國文物之盛請於押伴求詣學瞻
拜聖像郡守張蔡許之遂往適謁見諸生又乞觀御
書閣舉笏叩首

楊元昇太和人歷官本邦激江鶴慶知事討明王珍

有功陞本邦路同知卒子寶爲大理路通事以招諭
土舍授姚安路判官從征克蔚州曹州陞大理路土
官治中梁王段氏構民竄白兩兵相關民有供餉鋒
鏑之苦極力解之土人感其德

段福段日皆大理國王段興智諸父元世祖征大理
興智降仍命主國事乞師歲興智入覲福興俱行詔
賜金符明年獻地圖並條奏治民立賦之法憲宗大
喜因命悉主諸蠻楚蠻等部興智委國任福與其弟
曰大將兀良合台討未付諸郡及攻交趾福與日常
爲先鋒以楚蠻軍導之其後日入覲世祖賜之虎符
詔領大理等城自萬戶以下皆受節制至元元年合

利畏結威楚統矢善闡及三十七部諸蠻各殺守將
以叛日率衆進討大敗之於威楚復遣字羅攻賊於
統矢城又大破之遂定統矢其秋受詔帥師討舍利
畏至安寧與賊遇擊破其衆十萬遂定善闡威楚新
興石城及諸蠻却其後遣石買等詭爲商旅執贄往
見舍利畏因以矛殺之及其黨一人傳首蔓樹十三
年緬國掠金齒南甸欲襲大理行省遣日與萬戶繼
都領騎兵千人禦之累功進大理威楚金齒等處宣
慰使都元帥元初定大理置郡縣定賦役施政化與
中州等福與日之力居多日子阿慶偕日入覲留宿
衛東宮及陟辭優拜爲雲南行中書省叅知政事累

授鎮國將軍大理金齒等處宣慰使都元帥佩金虎符

陳惠段氏臣明玉珍攻善闡殺王奔威楚召大理總管段功救援與玉珍戰因得玉珍母書語平安欲玉珍成功乃返功更其詞恩得入以往惠自薦功難之惠曰以吾一身救萬人當不負但有老母在耳功曰迎爾母宮吾宮膳吾膳爾勿顧也惠遂持書往玉珍得書默然揮之出飯因歸詣功言狀是夜紅巾果遁功遂追及善闡襲殺其半復追至七星關大勝而返欲官惠惠不受

楊淵海南詔臣事段功功有寵於梁王淵海遂知其

不終果以爲言功不聽淵海出語人曰吾主無生還日矣豈能食人之食而不同其難乎明年功果爲渠王所害淵海死之

楊保楊名太和人兄弟俱段氏臣洪武十五年天兵入大理保遣名往探緩急約以翌日日出爲期名過期不至有頃聞國破遂自縊死名至亦解弓絃自縊國人義之合葬於弘圭山

蘇隆字子昌中統中進士以射策爲主司稱賞蜀人楊庭以御史通龍關訪之贈以詩子仁壽有敏才通諸方語任龍關譯官

本朝蘇海正大理人洪武間以經明行修辟授蒙化

州學正勸化夷習頗著勞能九年應考滿以道遠不出居常閑食客至煮茗清言而已或勸其仕不應
蘇樞董明蕪正太和人洪武間皆以經明行修辟授
學職

楊尚錫太和人洪武間以經明行修與董是同辟授
本縣學訓導治毛詩者詩義二卷

楊節太和人以行修舉府學訓導

趙昇趙州人洪武間以賢薦賜進士至御史葬於浮
圖原排柵營今有遺趾古井人曰趙御史宅

楊宗道鄧川人洪武間以明經舉教授

楊崇太和人永樂壬辰進士翰林庶吉士篤信謹重

同館推其器以苦學勞瘁卒於官

楊春進士爲御史以風裁稱

楊禧舉人任榮經縣教諭上

太宗文皇帝書言時政辭激切

上怒繫之獄頃之得釋拜監察御史遷慶遠知府以
誠信感化夷民任滿將行民遮道泣留臺臣上其事
復留三年又將行民又留如初乃以叅政行府事歷
十二年實授叅政遂乞骸歸特進右布政

蘇芳海正孫永樂間辟授河西縣訓導遷納谿教諭
趙彥趙州人宣德壬子舉人四川高縣令仁恕公廉
百廢具舉郡守妬之剽籍其後四年芒部作亂筠琰

諸夷望風從之招撫不聽惟曰復趙尹來即降於是
辟彥彥單騎往諭夷果降論功復爲高令卒於官
陳時雨太和人舉人教授有詩名十四歲上平戎策
王尚書大奇之

杜亨字時泰太和人天順庚辰進士官至黎平知府
所至以慈祥稱始爲諸生勤學不與羣嬉中鄉試第
一從諸父游宦洪洞寮屬子弟留之授舉子業縣人
韓尚書文時爲童子亨識之於羣兒中亟授以經大
器之及亨里居韓爲雲南方伯禮遇篤至其孫偉復
持節按部至郡亦躬求亨墓以辭祭之

楊祥太和人舉人爲知州有善政比歸里飲醇而頌

德者過鄉人焉

楊子淵景泰間授四川蓬溪縣教諭訓迪諸生多所造就生五男子皆以科名顯鄉人推其世德

段子澄太和人爲諸生時不納奔女路還遺金天順士午秋試主司得其卷屢感異夢知其爲端正人也遂薦之奪解仕爲德安府通判以內艱遂不起晚年居鄉爲盛德事益多里人稱爲太立彥方之亞焉

李華字子實成化戊戌進士授密雲知縣陞太僕寺丞出守程藩不赴或勸之曰吾寓京師有年幸博一第慰吾親始領畢矣貴賤榮辱何常之有竟不起里巷優游如野老未嘗干人卒之日無以爲殮貨其居

以易棺

趙弼字廷植太和人成化辛丑進士縣邢鄆知縣爲
太僕丞遂歸田躬耒耜之役屢跼泥潦中晏然自適
同榜有姚祥者來爲監司訪諸困閭棄鋤於地見之
姚問生事何窶曰差勝諸生時矣姚三嘆謝而別有
女不得於夫忽暴死夫家恐不知所指弼至謂婦曰
生死命也其長厚類此

戴仁太和人舉人累官鎮遠知府府有羨稅四千餘
金爲交際需猶強半增稅額商賈患之仁至編稅爲
三百六十以足一年經費餘盡裁罷亦不自於當道
人或勸之曰白則暴前人之短非吾心也後進松茂

兵備歸里不治第館賓於門設榻於屏自號無懷先生卒之日家無餘財郡守吳晟泣教行下爲之殯殮包文儒太和人舉人性嚴教不苟言笑里中後進多從授業鄉試對闈官箴屬辭厲甚主司錄其文闈以爲嘗已甚恨尋授呈貢教諭人爲之懼一日闈果以他事將召而奪之偉正色厲聲闈竟沮揖而遣之平居手不釋卷常製藥餌作橋梁以濟病者及病涉者張敏太和人舉人官至叅政平蜀寇以功顯楊鼎太和人舉人通判黃州以廉明稱致仕歸里四十餘年無老少賢不肖皆稱爲長者所著有南詔通紀壽至百歲

楊麒字夢孚鄞川人舉人嘉靖初知縣青神察不苟
令不煩八年擢安順守行李蕭瑟士民見而稱之
王應奎太和人進士有文名舉鄉試第一官至治州
知府以惠政祠於名宦五十年後台人猶有問其家
者

李素雲南縣人弘治乙卯舉人以教諭卓異遷監察御
史江南按察司僉事所著有南崖奏議

張鳳羽字拱辰大理人弘治戊午舉於鄉爲鄞都教
諭士人貧不能婚葬者隨力助之時募篙師於觀音
灘中流失舡者援爲歲饑作粥以濟貧寒後遷貴陽
令明於斷獄他州縣咸惠賡成北守潼川值威茂張

遊擊死土番之難捧檄往勘排浮議而白其忠至今
里中稱玉山先生云

趙儀太和舉人任蜀中涪陵江陽皆祠名宦履宦二
千石往回萬里不借一馬一力於官人有贈之亦不
受

趙仁趙州人舉人方少却淫奔之婦爲鄉人所欽及
長且暮厲行無改

張雲鵬大理人進士嘉靖初以部郎左遷宜賓令嘉
怒不形人民愛戴

李銳太和人舉人以孝友聞教授漢中提學何仲默
先生禮之命修雅大記遷知榮縣有惠政祠於名宦

朱鳳賓川人舉人判保寧府其政廉明民安而吏畏之卒於官篋中不能足一金粟不數斛

高昂太和人舉人歷沅江桃源二縣有惠政九載乞歸民思之爲立碑祠於名宦居鄉惟杜門教子壽九
廿餘卒

姜勤趙州人以歲貢任儀隴知縣興學較恤民隱民同聲頌之

楊寓字大有太和人家貧力學爲督學使彭公所器重常行市中得遺金不取待其人而歸之晚歲領鄉薦授黃陂訓導晉南園子學政判蘆州署果州其妻曰年老資卑盡爲還鄉計乎屬聲此曰是使我不

立於大君子之側也明頓遣其妻還

何邦憲賓川州人進士縣行人授給事遇事敢言不避權勢出知石阡府有禁城禦寇功調鎮遠晉參政及歸同履於家教與鄉黨相安

楊珮正德辛巳進士知衡州天旱乞雨跪拜三日不輟果大雨民德之祠於名宦知高州亦以廉惠聞里居遜服不入城府惟授經課其子孫後皆以科第顯王嘉麟字仁伯舉人累官府同知所至廉介稱楊里居絕跡公府年八十三卒

吳克猷太和人舉人兩令墊江通山皆有令譽里居蕭然周之不受性喜吟哦所著曰樂天集

周臣字蓋臣雲南縣人正德丁丑進士任湖廣公安令性狷介好讀書不喜聽訟改國子助教致仕杜門謝客手不停披所著有翼聖傳春秋心傳蓋庵雜稿鄒克臣趙州人進士繇御史歷叅藩輒有遺思而征虜功尤著丁艱歸遂不出設義田以惇族立家塾以訓其後人

楊元吉大理人舉人任知縣精心嗜學毫不釋書著有遵朱錄養蒙雜韻

高鈞太和人進士繇行人爲監察御史視饒兩浙巡方八閩風裁凜然捕治竟內豪強一空閩中至今稱之以直忤時謫州倅歷陞叅議雖政尚整肅而居鄉

恂恂倡正學厲清修始終一節履江土司以重幣乞
言辭而不許

楊宗堯太和人鄉試第一博雅不羣號爲書筭晚年
登進士第觀政去書勸講正學風示經筵志未竟而
卒

楊子美太和人繇貢士授南漳知縣九年乞致仕百
姓

奏留又三年乞骸骨歸里隣士民咸感泣

楊賢字士希太和人邑諸生常開館訓里中凡終日
危坐童子無嬉遊久之以次當應貢曰貢而入太學
或竟得一官爲廣文教于人與教人一也與其遠涉

以求信孰若與信己者處遂不出言無藻飾作人之
効在處中多以科第顯者

李斯文太和人貢生躬耕不仕客有憐其貧者自遠
來訪分金餽之知其必辭也置金於夜床曙而去斯
文追送不及遂寘道上遙望拜而旋其操持與永昌
楊象山一時竝名

屠贊洱海人正德中金江夏以忤中使調廣山令會
天全酋長攻城屠戮慘受令剿捕俘其衆復所使故
地境內以寧及去邑人悲號爲建祠置田報祀焉
蘇時字子升趙州人貢生嘉靖中任姚安教授學識
富而敏射禮尤精時率諸生講習時承乏視府州事

當安南運餉之煩處之罔不就緒學舍茶茹遇有損壞自爲修補挑士虔得師焉

史大經雲南縣人爲諸生以讓貢爲月旦所重歷任江汝邛州學師洎歸而置義田軍田勇於行義士論重之

常憲字亮有雲南縣人舉人璧山令以繼母憂歸遂不起守其澹泊教子督課終焉

徐景字東暉洱海人歲貢倅渝州再補荊州所至皆有惠政里居有年甘貧教子

董維字西羽太和人嘗從成都楊太史游寓蕩山爲樓居輯轉注古音不樂仕進所著有韻鳳鳴集等書

葉松賓川州人舉人歷官少府晉泰大藩皆能修其職里居省身訓俗偕而無忤

吳懋字德懋先獻子舉人以詩名歷官知州所著有東槎南霞等集行於世

何恩明字志遠太和人少耽貧力學西游浪穹遂爲浪穹人登嘉靖癸卯鄉薦教蜀士於營山重慶兩庫及令儀隴別駕烏蒙咸稱惻悌歸家寒約已無以自存而自視怡然課子讀書人又稱有道君子

趙以康浪穹縣人萬曆甲戌進士授民部主事督邊儲精心會計雲中上谷間士馬仰給神氣爲張其後守懷慶監司黔南剛柔張弛每相其職以爲周備遊

思息投老故山君子長者之澤今未斬也

楊時新郡人以縣令致仕甘貧樂志絕跡公門

黃金貢生孝親友弟鼓盆悼亡遂為獨居之男子乃
其確守儒宗不落溪徑又不特孝義而已

李子明歲首司諭為會城首邑日課月試不以迎謁
分其神歷仕鎮遠沅州守皆能和其民人後以子
選封布政司右叅政

阿朝藩郡人府教授端雅有行誼一鄉皆稱長者

李微字子靖太和人舉人性渾樸兩為縣令俱有政
聲致仕二十餘年甘貧訓子直指李公廷彥行有司
禮之其曰宦已成而守藩門雖設而常閑蓋實錄也

年八十三卒

阮尚賓郡人隆慶辛未進士歷官運長其守不濫投
林三十年恬澹自然有古意

孫愈賢郡人萬曆庚辰進士除行人選御史巡方面
粵雅持風裁與僭梟見不合分祈門戶弱不能勝墨
議歸久之清論已定人情共惜之第一時尚格於例
洪都袁公貞吉時爲御史大夫言若能一出即大用
試訊之時適有里人歸因便寄招隱不荅寔悔且愧
最以稽生訝之哉彼且以我爲不知已也

楊若予進士寧國府推官有節操觸忌邪人量移佐
二千石直指茫然後康得實露章論由直遂擢水部

卽侃侃與權權角人皆壯之

山陵畫序卒於京

李嗣善東之子以鄉舉爲蜀閬中令念乃父折薪編
在成都恐弗克負荷以是數年間治稱卓越入爲宛
平令

輦轂之下戚里貴人豪猾武健者寔宅其間視漢右
扶風更號不易善固怏今天父爲侍御時諸直聲忠
譽猶賤漬人蕊頰豈能以繞指謝父風而時聞人勢
灼分道雲樓居中者天爲之興援旋幹有馮進朝者
故

玉熙宮近侍也門下人王祿偶有細過朝怒以挺大

創立號祿於宮門之下事發巡城使者索驗得寔付
之法曹行令覆覈一一如使者署謂三尺法不以官
府異同進朝目中素無長令謂何物小吏敢擬執人
於王宮揚揚焉衣錦束玉秉堅直入縣堂臨囂未已
善出堂皇叱左右榜掠執之親囑獄吏謂是殺人重
辟在諸囚中倍百戒嚴無令縱逸獄將止而胥吏李
天祿陰入進朝金諸胥津津燔鼎又相濟焉爲進朝
計畫善旣白京兆尹罪天祿禡其役然蓋督過諸胥
附離者進朝自不勝幽苦蓋麾金行賄諸胥爲進朝
謀速以狀

聞縣令小臣榜掠近侍誣指坐辟至無法請與令共

對簿而居中大璫又為建朝地遂并善俱聽法司鞠
矣一時人人危之謂

聖怒不可測而臺諫誦言進朝罪狀顯白令執法固
當於是法司始議善奪俸不報後改奪職一級調水
任而進朝止擬白黎示調停始奉

俞旨善以水調出

國門遂不復出至

今上即位採食議

詔善為南司徒尚書即出權武林關未幾卒為公時
可善恂恂退讓口不言擊璫事且其惠愛吹枯字弱
又煦煦然陽春也擊璫事其一節耳

楊如楨雲南縣人爲土官知縣忠公勤職在儔伍內
爲守禮義之家從征衝嵐蒸濕浸淫及膚謝事不能
任其功又在國矣

臨安府

本朝張文禮寧州籍志尚卓磊以選貢中永樂壬午
南京鄉試登甲申進士疏陳不習吏事乞就學職
成祖心喜特授雲南府教授尋乞休居鄉訓徒名士
皆出其門臨安甲科自文禮始

張琬通海人永樂中知榮昌縣約已愛民疏食茹蔬
居官八載不敢干以私

李旺河西人正統間舉人任戎縣知縣初蒞任魁賊

倡獫躬率衆擒之歿於陣事

聞贈叙州府通判賜

勅褒廕有司立祠以祀

楊鈞字太用寧州人元時任威楚通判後避地景東
王師南征鈞勸土官歸款頴國上其績除通政司知
事歷陞戶部郎中尋陞雲南布政司土官參議劉三
吾稱其在官以忠居家以孝云今其子孫世爲羅次
土官

田容字仕義臨安衛籍領景泰癸酉鄉薦授大昌知
縣廉介慈祥政績最著常訊獄得其枉情力爲之辯
遠當道意遂乞歸居家教子足跡不至公門子孫宦

業蟬聯殆遺澤焉

邢幹字秉中新安所籍自幼苦學登天順甲申進士
歷官郎中因忤權貴謫知瀘州愛民省費禁暴崇良
濫入德之後遷南陽知府其治如瀘卒於官所至民
皆立祠祀之

張文崇字本道建水籍少孤讀書過目成誦稍長游
郡庠卒業成均授兩淮鹽運司經歷常陳鹽政數事
著爲令居母喪一遵家禮服闋不復仕教子繹登進
士後封如其官

楊昇阿達人天順間以貢卒業成均部撥巡歷四川
直言發御史昧民誦之

命代巡按御史克勵其職七閱月乞休歸生平不附權勢不貪祿位人所難及者

王景字啓昭臨安衛籍少有文名中成化庚子鄉試辛丑進士任中江知縣鄒智稱其有清慎勤之風賦三事堂詩以美之正德初陟四川叅政宦績懋著祀蜀名宦萬曆三十年巡按宋公興祖按部訪其冢恤之

王璟字明仲建水人幼聰敏爲諸生時粵人張某以謫戍故歸鬻妻爲資相別慟甚璟過爲贖其妻與同歸後登弘治庚戌進士授懷寧知縣興學治水以最聞徵入爲御史按蜀清戎伍之籍改覆塘之路尋陞

邵武知府免官家居置義田宅日與親知爲樂有疏
廣愛之風

張繹文崇子字思紹弘治丙辰進士筮仕南溪擒
劇賊韓積德等置之典刑勘永寧納溪軍民爭殺積
案咸心服其罪遷四川僉事藍賊之亂多所招降添
栢林遮運減巴州解銀官民稱便以貴州兵備副使
致政歸絕迹公府日事簡編所著有東崖錄諸稿
繆曠通海人弘治乙卯鄉薦累官武昌通判所至有
聲居鄉誠厚

喬瑛字汝修通海人登弘治己未進士歷官南京戶
部郎中陞衡州府知府所至以才德著稱

李文中字宗周臨安衛籍弘治甲子鄉薦筮仕大理
司務以明允稱調吏部條理精詳部事無大小咸委
聽焉後陞禮部員外議禮廷杖比食憲四川獨執風
紀斷獄不頗賊寇秦栢周天星倡亂奉

命撫剿悉平去蜀民有從李再來之語厘園原兵備
破虜克捷後以年老致仕

劉洙字道源新安所籍正德戊辰進士歷官都給事
中在諫垣十二年以蹇諤著名諫

武廟遊畋五事

肅廟端治本七事又請徙新安所議征十八寨勅兵
備王是非法薦知府朱疏之廉能時議難之里居置

義田施棺藥建家塾隆慶三年入祀子楷仕南京戶
詩文嘉靖辛卯任四川青神知縣政尚簡易諸所興
革皆惠政民至今頌之五載陞夔州府通判督水卒
於途囊底蕭然祀蜀名宦

繆宗周通海人中正德辛巳進士任戶部主事以議
大禮杖子

闕下歷陞浙江左布政使所至皆有宦蹟里居三十
餘年絕迹公庾清約如寒士壽踰八袞蒙存問焉
徐澗字道甫臨安人舉人任榮經知縣清白愷悌丁
艱服闋縣人如期赴京奏

請優除其政化人人如此歷陞漢中水府一味惻愍

尋遷長史歸澤治終身所著有塾訓會畧生事篇諸
稿

趙汝謙通海人嘉靖辛卯舉人任富順知縣治劇鉅
豪大有風力以諧罷官父老寧持贖滿道致謝不納
紀經綸字肥夫臨安衛人天資純朴不妄一言里中
稱爲篤行君子嘗市一婢察其言親頗異問之曰父
爲百戶立功奮進至此遂養爲已女原嫁之弟有癩
疾愛護甚至中嘉靖甲午鄉試初合新都編縣馬以
濟驛困再補上蔡開金梁渠以興民利計擒劇賊黑
龍黑虎黑象等歷陞鄖陽別駕襄陽長史生平志操
無愧前哲云

楊廷相字變甫石屏人嘉靖甲辰進士繇南京評事
陞河南參議所至裁冗剔弊皆有聲稱而勘徹蒲迎
累擢尤能於繁劇中應以鎮定尋以議調遂不出林
臥三十餘年恂恂謹厚尤喜施予里人高之

李遇元字應乾臨安衛籍嘉靖丁未進士選讀中秘
書解館授兵科給事會庚戌虜變諸所殫心以贊
廟謨者非一歷陞吏禮左右出知大名府以豈弟佐
經術而治爲良二千石最數輔祀之名宦歷蜀楚藩
臬皆有惠政擢福建按察使卒於官

吳希賢字進夫郡人嘉靖丙午舉人官至渠縣令少
孤母氏性嚴承以愉悅母病蔡伏枕盡讀方書和藥

物踞而餌之侍起居親澣穢年餘無懈呼天求以身
贖母竟不起侍祖母如今伯之報劉有叔早世撫其
四歲孤女至成人擇壻原嫁之覃研經學披荻蔓直
窮根宗叢後進講業掇高科者幾廿人在渠縣紹廟
寇乃七輩咸服法崔符帖然士民交誦疎節闕贈賄
於督郵者中深吏罷歸與鄉人處和易中時見臥介
咸相觀摩有過唯恐令公知焉

李繼祖字惟光饒安衛人領嘉靖丙午鄉薦署清河
教諭有趣操有識鑑淮安志載信厚冲和祀名宦陞
安化縣尹以廢能稱因疾乞休歸三十餘年隱約終
身雖敝車羸馬不具鄉里閭不知其爲舊令尹者

龔廷璧字若純建水人少孤有志節事母氏以孝聞
中嘉靖乙丑進士任瀘江尹再補江陰奉職循理尋
陞虞部主政督造漕艘省費鉅萬以勞瘁卒於官茶
心摘行闇然好修也

許鑑右屏州人性剛直爲諸生時與一媼市魚言不
合輒以拳擊之應手而斃乃往謁州守言狀求入狩
徑州守令人視媼已甦矣令之出不可三而後去應
甲子鄱試殊不愜意研復墮地而碎大憤終場遽歸
及放榜乃魁多士明年成進士仕監察御史有諫官斃
於廷杖奉

旨尸諸朝人莫敢近臺省上疏不報公伏其尸大哭

上聞之乃命收葬出爲江西憲與巡方者迭退而縱
飲達旦遂拂衣家於山中與賊爲鄰率蒼頭及鄉中
壯士要賊歸路斬三人生得一人賊盡返所掠牛馬
更不敢犯其鄉

王來賢字元德髫齡警敏爲郡守章士元所識登隆
慶辛未進士授南京工部都水司主事以清勤稱馭
歷滿臬官至右布政使在在治績沅聞而治河策播
爲尤著生平恂恂篤行戚里食推

黃中立郡人庚午舉孝廉家居斤斤繩檢竿牘不入
公府每見當路持論以正皆重其人後任資縣尹適
楊應龍以調遣引兵過其縣前驅者馳騁直入其庭

中命左右榜笞之。會闕止不入訴於軍府。右司馬宣
城徐公元太以聞。成都府楚黃耿公定力耿益稱其
賢。徐公遂解檄應龍遠發兵。其事候覈實處分其首
聽。令自是愈加約束。他邑賴焉。事平。恐經過不便。議
令從船歸。取舟至新津。濟之一日。人衆舟不任載。徐
公聞而怒。草其燕犒。後量移嶺西。別駕意甚鬱鬱。又
以苛禮小語時見責於當事。未幾疽發背死。

王恩民。郡人性豁達。與人交質任坦率。若隔垣而見
五內者。至遇世間大利害。果決處無意趨避。因應變
化。又若淵潛而時見者。隆慶二年戊辰。

穰公初策士於廷。公舉進士。爲永州令。芒刃新發已

有恢恢餘地矣被召試御史例轉湖廣荆西右叅議
時崔家坪有巨寇嘯聚約二百餘往來南郡剽奪人
婦女不遠殺其家人或縛而過市令招呼以徇索富
家財物先或假稱貸爲名視其應還以決喜怒荆門
一帶禍無寧日當事者以忌器縮手公至廉群寇踪
跡既悉一舉芟除職無遺孽荆門人有再造之感後
值故相張公居正以父喪歸一時監司俱具公移如
上官禮公默投刺迎謁吊賻如常儀張公以公自特
一路故自矯亢意不悅相見容色殊不喜公浪問張
公昨奉傳檄爲奉旨歸葬耶張公藏怒云汝亦知我
奉旨歸葬也公出鼓吹登舟去湖之御史有聞論公

才器不任重地以簡僻調貴州少參尋陞副憲一日
有夷寇突至城下挾取在獄罪酋不大戰戰公徐取
紙筆分布官兵圍城出擊之援意一一如古兵法趨
直指門請署直楷畫村邑滿與盜賊潰漏乃者鼠擬
歸其穴內地安瀾時毛直指在白舒中丞應龍答辭
疏薦謂公才器可用之九邊會以憂歸不累上此服
闋補中州歷閩中左方伯晉右副都御史巡撫閩中
未幾又有御史論公才器不任受鉞遂歸優游林壑
別不治生每出肩輿垂簾淡澹無大匠氣每推舉耆
舊名在薦者屢矣頃歲以壽終年八十有二
李繹字成之石屏人繇歲貢任臨武學訓以行誼爲

表率饒遺一無所問比轉王官邑令酬金爲路費留
置學田以贍弟子員臨武崇祀名宦

尹鴻漸蒙自入歲貢昆陽學訓導并研學諭兩庠士
服其教居鄉以清介稱

包萬化室春大郡人爲弟子員有聲名場輒善因益
好讀奇書即不得購必手錄之累數千卷奉反自天
性事父母色養備至父母棄養哀毀幾絕歲嘗祭必
涕泣年過扶猶然人以爲難焉无好周人急人有橫
犯或爲忿憤公亦不較出貸不償輒焚券已得又貸
之即負又聽之以子見提貴

贈中憲大夫都察院右僉都御史天啓元年督學樊

公良樞采公論特擢祠祀

塗時相石屏人萬曆庚辰進士

聖宗時朝儀重二千石拔其政化尤異者爲京朝官
時相以太各府知府擢光祿寺少卿遷太僕少卿臥
病歸里都臺陳公平順太卿衰皆贊相獨以書箴之
後陳又以用兵議加畝稅相又致書力爭語多激切
人稱直道焉

譚繼統字宗道郡人弱冠薦已卯賢書與包少宰見
捷支善構一齋顏曰五雲共相切禪爲詩章古文往
往瑰麗屢不利於南宮謁選元氏教諭陞國子助教
以文學爲祭酒晉江李公兵機所器重後遷南北部

主事尋改民部時李公爲南少宰攝南司鑒於性簡
約永歛食羣習見繼統平生所檢厲臭味同也遂爲
斷金之契因特疏改繼統繕部督城工不避風雨不
遺屑器費者鉅萬而聖猷逾于往時李公嘉其初每
向人稱之尋以特疏薦後以積貲遷貴州副使分巡
都清獨山蒙大永西安氏以千金餽糧并而麾其人
夷寇河包等弄兵官道賜剿克捷以功聞不叙會李
公爲閣學言者改之波反統謂有意迎合部議謂商
僻從此歸田遂不出仕予冬崇祀

孔聘賢通海人萬曆乙酉舉人歷民部郎出視邊徼
會歲大疫念邊人或爲庸醫所誤乃著可知因病二

論仍補之通衢每出堂皇遭人皆投贈言其病狀隨
方授之所全活甚衆遷貴州憲副陞廣西參政歸以
詩文自娛有金臺槐軒增序諸集韻致清酒成一家
言孔氏系出東魯自句容入滇爲王姓者數世矣王
聘賢始請予

朝後姓孔

佾祺歸安衛人進士改庶常爲御史巡按廣西調停
礦稅禁戢土司以勞瘁卒于官鄉人稱其撫孤姓續
故人篤志珍脩惜未竟其志云

永昌府

本朝丁萬邸人天性篤孝奉母陳罔教并言雖處艱

師流清而養生死葬壹準諸禮家貧設科訓里戚子弟多所薰陶洪熙登極舉懷才抱德辭不就宣撫間詔不求言嵩陳守成機務八策一曰平心術則天道應二曰重經造則宗社福三曰開言路則見聞定四曰用賢才則政治美五曰總大綱則庶務舉六曰汰冗兵則軍儲足七曰重守令則邦本寧八曰崇節儉則財用足

上嘉謫之徵至中道病卒所著有橫峯樵唱

張昂字德遠郡人天資清俊嗜學飭行正統初侍郎張寧延嵩子弟師後乃以千金置義田蒲縹以濟宗族之貧賤桑孺居皆有常給丞任有不善責令改而

後已鄉人負資輒焚其券別置室以鞠孤莪教以
藝業長則爲之婚配凡周貧不欲人知亦不令人感
有犯不較有司請宥歆竟未赴尤善於行草人皆珍
之所著有鈔庵稿地里最要藏於家

姚方字定中郡人有蘊籍隱居訓蒙言行皆歷歷可
法門下多名士年九十七乃卒字春字世隆舉成化
四年鄉薦仕漢州學正迎父署中備極色養無何引
年家居殫志孝養以清白始終鄉人稱世德云

湯琮金齒司人正統間與陶寧張志學曹遇結於詩社
同執志趣隱居教讀於軍民間又有陳廣繇司庠應
徵擬諸爲庠生成化間皆以詩名

滕檣字秀之郡人天性穎敏過目成誦舉成化丁酉鄉試登丁未進士歷南司徒尚書郎清苦持重督運會計周悉而瞻然有特操隨以親老乞歸竟不起家居炭泊不治產業與人交平易可親非慶吊不出戶日以詩文爲事所著有永昌百咏歸田錄等集藏於家

萬綸字允言郡人中成化丁酉鄉試以會試乙榜授湖廣武岡州學正陞翰林侍詔歷官長史致仕歸營其先世丘隴外別無繕治內外兄弟族屬之貧者咸周給焉年八十六適辭親友自日而卒所著有西憲集裏王公亦有梅月軒詩集梓行

吳章字晦之郡人弘治己酉舉鄉試知湖廣平江縣
清白自勵既致仕歸其貧自重於蒔利無所趨郡弟
子遊其門者教之以正剛腸嫉惡不能容人稱孤介
王澍字天澤郡人弘治己酉舉鄉試知湖廣平江縣
試授浪亭教諭時年三十餘值侍郎樊瑩考參臨郡
氣絀赫然官屬匍匐伏皇恐澍徐徐不爲屈遂以年老
黜歸家居三十年吟談著述晏如也詳見羅念庵先
生所著墓表有榮庵集十二卷
張預字養素郡人弘治己酉舉鄉試任衛輝府推官
順天府通判所至皆有能名尋乞休進治中致仕性
度剛方動必以禮爲鄉評所稱

張志信字任之志淳從弟預教敷教旂旂然勵節孝安
之實見於躬行弘治乙酉領鄉薦五試不第乃署昆
明教諭貧而志篤老不倦勤爲當道所器重卒於官
所著有介軒東籬二集

林繼字鍾秀郡人趣操淡泊取與無所苟中弘治辛
酉鄉舉知廣西鬱林州以清苦始終嘗值旱荒捐金
代貧民賦稅之逋內艱歸至沙木和囊罄細人爲之
誼穀及服闋不能治裝郡士夫高而助之補賓州未
幾卒於官迄今子孫貧不能振郡人爲守令最廉者
繼及知灌州鄭諫竝稱

王純字文頊騰衝人父宗以百戶員文名郡人尚其

學求者無間遠邇純才氣清純迥出塵表弘治戊午鄉薦操行益篤未仕卒於家鄉人哀之

戈諫郡人弘治甲子科舉人仕湖廣湘鄉知縣歷山東東昌通判擢太僕丞出爲湖廣僉事所至以廉生威多所幹濟曾以擒捕巨寇功蒙

嘉悅賚予有加歿與祭社之例

張潤字汝霖騰衝人有才識弘治中應貢授楚雄學訓守己清介御諸生嚴而有恩秩滿送親還騰遂不仕以清約聞所著詩集數卷藏於家

劉漢字天章郡人生而誠懇郡人彥士多出其門舉正德癸酉鄉薦司諸薪水再補成都郫縣皆惓惓分

貧士之憂而助之二親就養母弟隨侍雖廣文獨冷而父母兄弟間儼然和氣尋卒于郕簡祀彼中名宦閔鍾字大聲少負義氣識量弘遠爲諸生時人有竊其二馬者知其人而不發正德丙子舉鄉試仕至鄆都縣令居家不治產業惟菽水奉其親

張鍾字子鳴保山人爲湖廣岳州推官擢伏巨奸不屈聞官當道稱之歷南工部營繕郎中尋以疾告歸居家十五年淡泊自如及卒惟圖書數卷士林稱曰西林先生

張含字愈光郡人早舉於鄉不樂仕進以詩名游宋周爲李夢陽所知連加補貴里居與成都楊修撰

慎爲文字友所著詩文若干卷行於世

鄭舉字尚賓郡人舉明經任教職清苦自甘以冠婚射禮爲復古梯航當路雅重之尋以親老乞歸士人至今稱其孝友

張合字懋觀志淳仲子十六舉鄉試第一壬辰登進士二甲第六人授戶部主事歷吏部稽勲員外出爲福建僉事陞貴州叅議湖廣副使以疾歸是年卒性嗜學手不釋卷善書畫權貴造請輒謝卻之居鄉不談公府事府中查夷田人心洶洶乃爲書五千言達之當路竟寢所著有貢所文集畱載諸書

吳潤字時雨騰衝人事親以孝稱廉貢不忍遠違其

父偕之京授溫江訓導過籍省墓父客死潤扶觀返
葵衰號毀瘠服除補上海陸雙流教諭模範端嚴善
於啓迪士子久而益慕乃立教師碑祀於名宦居鄉
二十餘年操履淡然却鎮守饋遺待庶弟友愛鄉評
稱重

吳璋字朝獻潤之子中鄉試過浙問學於陽明先生
居三年所養益粹署長壽教諭先教化後文藝士皆
興起入名宦陞知東鄉縣縣新割難治惟以興化善
俗爲務艱歸士民不忍釋去居家恬靜和易可親學
者稱執齋先生

胡果字子昭嘉靖丁酉舉人初授繇石泉令歷司徒

卽其性顛直動循古禮歷官四十年惟有一貧亦足多也

吳宗堯字協卿騰越人嘉靖癸卯舉人任資縣知縣歷馬湖同知補延平所至有賢聲終養而歸嘗從湛甘泉蔣道林遊謀明正學騰子弟多師之輯郡乘二卷

石雷字子聲嘉靖丙午鄉舉性直諒尚氣節官叙州府判以憂歸遂不仕讀書保秀山中力崇正學多所發明里有鬻女者偵之其同年之女也贖而具禮擇婿嫁焉灌蔬課子科第蟬聯所著有保秀堂詩稿文稿學稿及山中稿

邵惟中郡人嘉靖丁未進士筮仕大行人爲南臺御史歷官同卿在朝端能以才諫劾猷念退居里閭恂謹不敢上人有先民遺度且評重之祀賢祠

錢世材郡人嘉靖甲子科舉人仕至冬官郎公冢之事錚錚以執持自矢恥爲土茹人敬憚之與鄉人居和易可近飲其醇者皆自矢也

馬繼龍字雲卿郡人嘉靖丙午舉人襟韻超遠蘊藉停泓以教奇不偶於遇屈首爲縣令復爲學博爲藩卿官皆在蜀中蜀士民頌者交口而每不愜於權貴以孤蹤觸危陰畏譏慮患備嘗事變處之泊然所經涉輒爲詩投之囊中身愈窮著作益富有梅樵集行

於世其詩溫厚和平無牢騷藉拂之味識者謂其得性情之正誦其詩想見其人云

薛繼茂字懋敬郡人少刻厲有大志登萬曆癸未進士初令楚之孝感雖遭口語然不勝良民之口隨調長樂憂歸補文安被

召爲湖廣道御史慷慨言天下事大者如

郊廟不親而定國徐文壁非可代之人

冊立遲回

國本未定以至朝鮮日本間紛紛迄無長策其語皆顛直竝封之議

神宗初謀於閣臣時太倉王相國以爲可及

旨出舉朝力爭歸咎相國惟茂一疏最和平而大指言

祖訓之文非言冊立又上書於相國以收拾人心挽回

上意爲急相國謝因問所以挽回者茂曰惟有引咎二字耳於是相國上疏引咎言奉

旨後始於庶子馮琦借得邸報恭讀乃知冊立典不宜援引臣寔誤

陛下疏入

上震怒居數日批荅有卿且認罪置朕何地之旨久之乃傳諭寢封

上錄載於章奏省覽一字必嚴究獨於茂疏悞屬輕
批以後著教護不之罪也滇舊業李材繫
詔獄久以茂條奏其可宥狀

上釋之巡按貴州請增制額五人得

俞旨巡方所至厚而薄材官矯狂不無太過是以
恩怨強半竟坐削籍卒於家矣

上即位追錄忠直臣於是禮官列茂教名以上

詔贈光祿寺少卿包司空見捷其同年友論繼茂剔
姦懲豪風裁凜然惜其任事太銳執議太苛不免有
遺咎非直友無此言矣

石應嵩字澹寧郡人萬曆庚戌進士為江陵知縣拈

持嚴教遇事剛斷豪猾斂手會江水汎溢應嵩親督
沙市居民每家出芻束一無者罪之頃刻而具遂障
水作堤民免昏墊以偃蹇里吏議誦靈實縣礦徒數
千人入其郭應嵩登城樓拒之賊數人亦登嵩手刃
二賊左右各奮勇盡殲之急調西園鄉兵指麾力戰
賊大奔按以圖陞南武部主事浦口城爲南都保
障江水浸噬南城盡圯部檄應嵩董役應嵩議先築
堤障江苦無石乃登高相山脉指一區令掘之得美
石作堤七百餘丈遂提案鼓叱咤指揮江霧未開卽
視事至夕陽不輟初議一面當廉金錢五萬其後三
面俱新之三時而迄工費僅四萬餘工垂成而嵩卒

大司馬黃公克績與民部冬官合詞請

贈卹

楚雄府

宋高量成大理人世爲段氏相量成避位不仕築城
於威楚之德江村恤孤寡教子弟威俗爲之一變
本朝王用之鎮南人以監生任交趾慈廉州知州適
交人叛被執不屈死之後同何忠等

贈官恤後

趙濬郡人中弘治壬子鄉試司訓臨安士多造就陸
銅梁知縣興學較裁冗費息健訟有永樂聲歸里
居僻巷家計蕭然

陶鎔郡人縣鄉薦仕終大理寺正富學問崇名檢孫
瀛繼省元人多稱佑啓之功云

何鑑郡人正德庚午鄉薦任涪州學正烏冢宰夏公
邦謨所重陟永川令銳意恤民禱雨輒應未幾乞歸
事繼母爲洗腆之奉同宗婚嫁必周家有戎役置田
若干畝以贍焉

宋鈺郡人以鄉薦授新水學諭科條嚴密衣食貧士
擢知岳池縣厚學較崇積貯歲旱徒跣禱祈至於罹
疾而不悔宦遊垂二十年所入俸貲悉歸於親而無
私藏

李啓東郡人生有異質讀書過目成誦烏舉子業下

至累千餘言嘉靖辛卯領鄉薦第三人壬辰賜進士
二甲傳臚仕終南京禮部郎中督學余文獻祀之於
思賢祠文云學窺淵奧志存經濟佐本兵而忠鯁蜚
聲副宗伯而廉介著績暮夜無金清朝有譽廢乎中
郎之筆不虛矣

俞經郡人父歿家無餘貲與弟締繪同居四十餘年
無異族有因鬪溺死者仇家密餽白金却弗受一以
直報處舊交洪錦歲致白紵綈袍猶徵高義

何漸遠縊之子以恩貢烏蒼溪知縣縣有蠶桑之利
每歲私獻於邑庭者曰樣絲遠罷之歲荒蠲俸入設
粥糜以救邑之貧民比乞身歸孜孜扶義助婚喪不

各施予焚券市義蟻舟建橋利濟往來之人父子世
美俱入賢祠

俞沛郡人諸生家貧力學郡子弟治載禮者多出其
門嘉靖中武定之恐震鄰隨郡守登城忽驚流矢遂
請躬代率居民共守

俞緯郡人舉人合江知縣以廉吏稱其政績載去思
碑甚悉居鄉學行可繼李啓東之後

安鏞郡人素以孝恭稱於內外居平無愠色純帶林
泉每當適意輒揮琴誦詩以自娛壽八十餘卒

俞汝欽郡人嘉靖丙午鄉薦一上春官後以親老欲
逮養絕意仕進結蒔林居四十餘年嘗慕明道先夫

兩先生之爲人博綜風雅屏遠塵囂督學陳公大賓
稱爲高士卒之日分守李公材爲之哭之

李瑜廣通人四川太足知縣剛介執法以誣罷官不
平鳴冤於

闕下勘實復其官復單騎之任清操愈厲邑人不舍
任滿歸惟圖書衣衾而已

孫繼芳字汝傳明經不仕上奉慈母下將子而教之
親終子貴屢贈觀察副使平生好義樂施如吏目祝
繼儒鎮撫楊華昌或藉資歸骨或特力得襲蔭其世
官皆至今贈炙人口昭者

丁世用郡人繇歲貢仕至永昌府學教授以孝友義

概聞致仕家居二十七年守禮嗜學後進之士負笈而從遊者無間遠近以天啓三年北元從祀以安祚郡人資負清揚有秀色舉萬曆己卯鄉試全蜀江油以撫字自任好行其德擢全州守巨室家奴怙恃作過爲人訟訴於上官抗不受檄祚不能堪收而真之獄時值指甫下車聞之當行縣至全議罪無以假雖以風力著聲尤以不忘器得罪遂得左轉曳裾竟歸

朱萬元郡人以選貢中萬曆壬午北京鄉試仕至縣令元末第時從豐城李公論學後竟其志以此一旅數其鄉人李公得罪猶時時遣人問訊又有省郡諸

生將希冕者與萬元同心入京視公於獄中受殺
中此狀不甚習通故足書矣

曲靖府

三國麴習建寧郡人諸葛亮平南中收其俊傑爲官
屬而習與焉官至領軍

晉麴深興古郡人永嘉中與將軍姚岳同破李雄官
爲本郡太守今南寧縣南十餘里有興古太守麴府
世碑

南北朝麴龍顏即麴士德南寧州同樂人仕宋累官
龍驤將軍鎮蠻校尉寧州刺史封功都縣侯故納河
縣西三十里有碑

爨璿梁武帝時爲南寧刺史

爨雲建寧郡人仕魏累官驃騎大將軍開府儀同三司南寧州刺史封同樂郡侯陸涼州南三十里有碑唐爨歸王南寧西爨白蠻也貞觀中爲南寧都督開珣居集霑益烏蠻精卜筮其法用細竹四十九枝或代以鷄骨占莫輒應夷中稱爲筮師

阿呵馬龍人納垢酋之後隱巖谷撰爨字字如蝌蚪二年始成字母十千八百四十號曰造書爨人至今習之爲書法云

本朝施繼先字汝孝郎人生平沈默不言人過天順壬午舉於鄉知大足守己愛民民懷其德後乞歸家

君授徒于不釋卷所著有朴庵集藏於家

張濂平夷人進士知泉州府有風裁後改辰州郡多
虎患公焚香祝天引咎自責虎即遠遁衆以爲仁政
所感立碑祀之

胡潔字汝清郡人平德戊辰進士其仕湖廣黃岡知
縣興賢剔蠹行水利農鑿鑿皆有成績後遷監察御
史巡按直隸浙江兩省軫民惠德貪墨凜有風裁尋
以內艱歸不出進光祿少卿徜徉山水詩文自娛每
朔望燕會同宗以示敦愛睦族之義

陳漢字天章馬龍人舉人授蕪湖教諭歷黔江令廣
安守養士牧民所至賢聲蔚起歸田教二子俱舉孝

虞

陶廉字介夫郡人已丑進士歷官九江知府有惠政
卒於官崇祀名宦

唐時英字子才郡人登嘉靖己丑羅洪先榜進士授
平陽令問民疾苦惟賦稅不均遂銳意復畝首尾六
閱月清丈得其平又疏陂塘興水利明年大旱民得
以濟稱神君焉陞戶部主事歷郎中學憲詳盡爲大
司農所器重知真定府有木鏡之頌晉貴州副使歷
右副都御史巡撫陝西時套虜烽警公曰虜不足患
患四鎮不協心耳先以和四鎮爲務邊鄙晏然戊午
夏致政歸衣布茹淡周貧博施置義莊以待貧窶鄉

人德之晚而逃禪鷄足等寺多所施建

柴宗儒字師魯郡人性雅馴動遵禮度聞人之善輒有喜心死喪患難必爲之助親里咸受慕之嘉靖初貢入大學不樂仕披褐荷鋤且耕且詠所著有居易稿

繆良王需益人舉人知營山縣有循吏聲居鄉卹單寒樂施卹災玉廬舍獨存人謂積善之報楊荏介公扁之曰瑞室孫清悉繼魯出其間撫怪文明不啻已出教子文龍登甲第歷官叅政多宦績卒於官

莊自勉字子貴郡人隆慶元年恩貢歷官永福令南昌別駕左遷四川泉從事尋遷德陽令乞歸天性夷

簡宦二十年矣但求所以安集百姓者成都衛卒爲
旗尉凌虐尉以他事入德陽境衛卒潛聚於仙人鎮
殺之賴縣捕兵救不死尉因告鎮居民竊盜殺人縣
令不覺察徹于臺司鎮居民聞而懼相率遁逃勉如
不聞徐縛衛卒人十餘白其狀上下恬然民乃復業軍
興挖運值雷丁日即於其日照丁給米數運之其他
政皆此類諸載樊真公德陽畧中居鄉康康德謀萬
庚申崇祀

歙江府

本朝蘇興字起文陽宗人有遠才爲文未嘗屬草中
永樂辛卯鄉試知四川溫江縣治獄明慎政事果決

卒於官

李蕃字廷茂河陽人進士爲司徒郎出視臨清倉及九江欽關隄防無漏豪吏袖手尋以親老乞歸不事生殖環堵蕭然世鎮爲置別業辭弗受婚喪諸禮多從儉約鄉人化之

趙禧字景福河陽人與李蕃爲友同舉於鄉知貴州永從縣有廉惠聲尋內艱歸服闋再謁京師嘆曰祿爲養也而親不逮仕復何爲遂白銓曹拂衣歸清修苦節三十年有奇絕跡公府

張寧字世安陽宗人天順間應貢授湖廣保靖宣慰司經歷時值土司以閭閻私關寧調停省諭遂釋兵

在任十二年吏民向化後以乞骸歸家居不事干謁
鄉評重之

董雲漢字昭重河陽人進士烏節推時郡守與倖皆
嚴刑淹禁民咸赴貲成有天只之頌官至按察僉事
家居不以勢籍產不以事干謁入城過里舍輿而徒
席大賓字子瞻河陽人雲南左衛官籍進士繇行人
選戶垣歷陞都諫遇事敢言每疏留中不下以終養
歸再起再乞身大志未竟卒

趙漢字鴻達陽宗人歲貢兩任廣文歸里二十年餘
足跡不入城不赴鄉飲賓筵以壽終

侯必登江川人嘉靖己未進士歷官廣東潮州守令

其通志列名宦其小傳云是時倭寇擾亂之後山海多警井望爲墟掠人取贖者無寧歲必登首罷一切苛條與民休息而沉幾有雄畧善得賊情竟以談笑指揮而解散之民得更生嘗以事之省經賊巢中賊間相率羅拜肅隊前驅威德服人類此後徑陞布政司叅政澳人相傳粵上官有以彊事強必登移委曲爲質者曰登之頭可斷事必不可應也一時交稱之謂潮州不可一日無必登後歸卜居省城以過後門不下車得罪鎮府呈議旋激江卒從子師舉舉鄉試歷縣令州守郡別駕其治皆平易易達得民心居鄉恂恂退讓又一格云

鄭起新興州人以子重慶府通判封如其官呈先入
賢祠

蒙化府

本朝官仲處士宣德初代兄征麓川得遺金不匿晚
尤好義捐金贖流移之人壽九十餘終

丁昶字德輝成化戊戌進士歷貴州石阡知府先是
苗民逆叛府治學宮壇廟郵傳倉廩盡成灰燼昶以
次修復又設鐘鼓終晨夜賑窮恤士收招流移卒於
官有烈風星殞之異襁歸囊無餘貲惟遺稿公餘清
詠

王綱字時紀成化乙酉鄉薦任永州府訓導出仕宦

工詩文

朱璣字文瑞生而穎秀以文行稱登進士任大理讞獄周頗民以無冤踐更叅藩卓有偉績晉按察使持憲肅法尋乞歸鄉人視爲範焉

陳瑛處士敦修隱德有三子皆教之以正後俱成名朱光霽字克明璣之子幼穎異不與郡兒嬉長隨父宦遊聞良知之說於陽明先生正德癸酉鄉薦授重慶通判遷知綿州再遷西安同知所至以廉明稱屢乞身不報竟歸爲人慷慨有大節玩世寡交家徒壁立日誦陶詩以自娛

劉暉字本忠歲貢雅州學訓恂恂修其職後以子貴

肥封如縣

李茂字廷秀歲貢湖廣蘄州訓導崇獎風節育楚材
寔多

徐鉉字仲器正德癸酉鄉薦沉潛重厚用心於內以
與雷柱史齊名廉訪張公恕聘以教子持正不干問
學益進一時名士往往出其門

楊剛字世用選貢廬四川叙州教授以方介見重于
蜀人

官直字和夫仲之曾孫舉人授四川監課提舉九載
輸逋課七十餘萬金緡私販偽篆置於法以親老乞
歸親終遵考亭家禮訓子姓施藥與粟里中人賴之

張烈文嘉靖甲辰進士按察副使政流惠聲林居談
玄飄然有霞外之致里人稱晴湖長者

范元愷府通判歷官十八年皆以平易得民鄉居恬
靜八十一歲終

危以平郡人古行直賜無有表裏以鄉舉仕至大郎
丞居鄉坦平無間

劉師周郡人鄉舉尹金堂宣慈惠和民依爲命選古
今文切於制舉義者刻於邑中以佐士子几案歸家
以田園爲娛故業依然無長尺寸

鶴慶府

本朝趙和字達道郡人正統間任貴州銅仁訓導以

師道自重比內艱服闋改四川建始銅仁人上疏
之許還舊任又外艱服闋銅仁人上疏之凡三任銅
仁士類賴以成就監司皆稱之曰趙先生後致仕歸
生徒遠道泣送

李文海劍川人年二十強記博聞通經術正統間以
儒士被薦署本州學事歷四十年士類賴以造就
李繼兒鶴慶前前所百戶正統六年從征麓川力戰
死子韓菊夫奮入賊營亦死靖遠伯王驥以事
聞詔遣官諭祭贈繼兒武畧將軍副千戶韓忠顯較
尉管軍千戶所鎮撫仍錄其子孫優恤賞賚

趙子僖子慶夫和之子天性孝友且多藝能年十九

薦知縣司訓臨安克端授範時有香趙之稱趙還南陽府同知政績著異卒於官

爲兵選官最繁兼兩地祠祀所著有碧嶺蛙鳴二集陸經鶴慶禦水弘治壬戌進士累官南京兵部郎中賦性耿介力辭

撫主金帛却土官陸世爵五古棄爵約終身卒之日櫨檢柩具

朱珮字鳴朝鶴慶禦水人進士初任延評平反冤獄甚多爲從廷尉所倚重出爲貴州食事調停驛傳民用以安計縛元惡不費兵餉歷陞湖廣憲副別豪右增隄防三年陞廣東參政設墩墮於要害徭寇不敢出

盜起故謀禦之紀其改道決司燭甚皆歸降又計獲
交南莫登庸遞拔卒平定奏凱陞陝西按察使乞休
居鄉恂恂若未嘗有官者

楊懷玉郡人歲貢安岳縣丞剛方正直細行必矜居
喪粗衣蔬食三年不就內寢暮功不赴宴會舉鄉約
表行四禮鄉人化之

樊巍郡人幼通敏有卓越聲嘉靖丙午鄉薦潛心力
學無仕進意家居二十年足不履公門後爲親貧授
良鄉知縣以疾改夔府教授動以身教士人德之卒
於官貧無以殮知府張廷相經紀其喪

張勉字希安劍川人舉人黔江知縣饒膽畧縣有巨

寇數年不能平勉至纔彌月計擒渠魁時督青芝通
甚急民且逃散勉止之曰吾能為汝達之遂力請於
上官果得減徵民乃安集明年卒於官將屬續其妻
問何以歸視曰寄葬重慶不然化骨或鬻子士民哀
之立祠以祀卿子弟受其教者稱為龍溪先生
尹端字正之劍川人爲藩司吏賦性剛方動必循禮
後授清浪衛知事發摘不遺流指揮蔣繼賢以下未
法者十餘人或誣以贓當道得其情以再來楊震自
之嘗自命曰端平生不愛錢不愛官不愛命任人誹
謗軍士每舉手加額曰尹青天大吏相謂曰吾輩不
及考滿卒於京貧甚鄉里助之始得歸葬

尹竭字孟之端之弟爲通吏能詩能琴能書不苟
訾笑取予耿介如其兄大吏每畱之授徐南衛經歷
陞山西斷事大同通判所至有異政民立生祠比于
神明其尤著者修五堡城及珍寇大功

欽賞白金五十幣帛二秩滿貧窶不能不歸遂家平
陽

李璫劍川人舉人嵩明州學正潔身端教祠入名宦
家居幾五十年教授鄉人藎而善良者衆

田節郡人學行兼文永樂間薦任本府儒學訓導教
誨有方士類心服

吳謙字益之鶴慶舉人幼習舉子業晚知功名不足

慕退隱林下博涉書史知府林道節王恂皆禮遇時
過訪焉

查天聘字觀臣郡人爲遺服子事王父母以孝聞應
隆慶元年詔首選陝西麟遊縣丞性剛恥媚上官嘗
言麟遊地饒歲侵民多通稅請永蠲歲租之半以甦
民困議格不行竟以王官歸晚慕禪斷暈戒殺絕跡
府城族里婚喪時左右焉

孫愉字惟愛鶴慶禦人少負儒才由歲貢授南溪學
訓篤教化恤貧乏攝邑以直慙忤督木大臣目之曰
強項老儒尋丁繼母憂歸遂不出事父事繼母撫異
母弟皆有懿德

張宗載字一寧郡太家居孝友尤嚴於辭受急人之
難肝胆可傾以進士授江津令值采山運餉諸大役
咄嗟辦之揚應龍以兵萬調人應調數多虛者受檄
覈其實令人潛候江不默識濟舟之數得其寔既成
列即以其數示之商驚服後

詔入為御史偶以不從指使不合尋乞歸事母卒于
家載自幼與同郡孫健為異姓兄弟之交兩人皆磊
落不羈有高世之志萬曆癸酉同舉於鄉健徑成進
士為行人歷諸曹即載不忘規頌及載為令為臺官
健以良吏直臣囑之鄭重健仕途偃蹇時不合家居
之日必於宦遊而里門落多為流俗人所忌晚歲

備嘗涉世之艱始知道在委蛇勉出爲貴州大參歷
憲副參藩前後多捍禦力勞瘁卒於官兩人生平韻
致又於伯仲間見之

查儒郡人隆慶丁卯以禮經魁滇試萬曆甲戌落第
二卷歷官戶部曹郎筦庫清聲迥然推授真定知府
以艱歸服闋必欲仍畿輔一郡謂其禮優於外藩不
能復且恐聲名損於前時家宰聞而銜之予保寧偉
又不能^容芥^容慈明年內察吹求者以此發難於是筦庫
清聲倏忽變化一時公論皆不平有上書冢宰言其
冤者得免於議而適論拾遺三人俱存不論臺諫
爭之語侵太宰太宰上疏言三人皆奇士故採衆論

而存之如偉本在議中以某官言其才而止以明無
他聞蜀中不能廷議因左遷苑馬寺少卿遂不復
出偉素賦豁達昂昂超迥不於塵俗中見之所著詩
文四卷刻於家

吳堯弼郡人丁丑進士改庶吉士授兵部主事歷員
外郎貴州提學僉事每與士子商寬及所賞帖括皆
遵循理路後雖稍異議而事出他人歷官按察副使
歸

楊邦器字德周郡人以明經仕至眉州學正涵茹淵
博個儻好扶義賑乏矜喪固人之急若不及鄉人有
爭得片言而解在眉以鉛槧飭諸士脯提必辭攝彭

山縣自矢飲冰人或嘲之器曰吾不矢志豈以小官
張節慨及歸益以端潔爲當路所重

段高選劍川州人萬曆己未進士巴縣尹時發兵遠
左上官集於渝州一切治辦俱其經理而奢酋意冰
之變若降自天閹閹死焉事

聞未見覆

姚安府

本朝李霖姚安所人中鄉試任浙江運副性耿介握
利權而不染歸無奇贏後有坐盜官緝千金移文本
省繫其子償之御史李文榮素知賢按之果以冤誣
服乃知爲同事者忌其履潔中傷云

劉鈞姚安所諸生家貧好義奉第時元未得金鉅木
以語人明夕至失處候其人不至又明夕復往有婦
人覓於道上涕淚滿襟鈞持以與之是秋遂薦賢書
及興學西蜀分祿以周士之貧者歸田四十餘年不
入城市

李徽姚安所人成化間隱於石澗帶經躬耕不求聞
於人

廣西府

本朝楊洲薦正德癸酉鄉試繇助教陞保寧同知居
鄉循禮流俗不侈

高遷任教授

趙鳳翔任學正俱以論秀歷官爲里中推舉與崇祀
尋旬府

本朝施繼宗字紹先監生以學官善誨生徒歷岷府
教授里居詩酒自娛別無營運

趙愷郡人性行誠朴嘉靖六年安銓叛攻城愷率衆
拒敵爲賊所執脅使從附愷曰待回率家眷來降賊
信釋之愷集家衆於前泣曰賊勢猖獗民遭殺戮吾
惟有死而已我死若等舉火焚屋無令暴露也遂登
樓自縊死家衆亦舉火闔門皆自焚幼男景新年十
三以他出得免

馮世傑郡人諸生剛方有氣節安貧之變傑扶母李

氏弟妹匿迎恩橋下爲賊所獲刳奪皆赤身母曰不
死廉恥喪矣遂投水死保與其弟亦投水與母俱死
必沙果馬里營長有勇力銓賊叛亂同類俱歸附獨
汝抗言拒賊賊亦素知其勇力不敢加兵府民杜文
美段愷等二十餘家俱餽而送之呵護出境臨別對
衆泣曰我欲隨汝等去恐漢官不分玉石汝等爲我
告得明天所不殺賊非夫也銓聞飲以毒酒死

武定府

本朝楊忠誨和曲人爲雲南府諸生賊祖之亂軍門
方議招降欲遣人持示賊營以散其黨無敢前者誨
請行竟爲賊所害今與張公澤並祀

尹淮元謀人賊祖之亂首倡義勇奮敵幕府以戴國
勤兵旌之

瓦江府

本朝施大節郡人中永樂丁酉鄉試授知交趾演州
荏州慈愛廣明宣德二年叅利陷諒江府節拊膺嘆
曰豺狼不可厭也繕甲兵積糧餉爲守禦計而賊勢
已不可通至城下力屈而死

李价郡人性穎敏能博綜爲諸生以行誼聞夷中向
學者少弟子員嘗借才他郡价建言宜分出寄生相
錯而貢以鼓舞土著學使者躋之嘉靖間以明經任
都康州吏目署容縣事屢有異政當道稱許未幾謝

病歸林家怡然環堵之居教授書聞學徒出其門

麗江府

元參宗通安州麼些人生七歲不學而知文字長益
名通吐蕃白蠻諸種皆有書契無不曉暢旁及雲中
鳴禽亦解其語蓋介葛盧之流也相傳曾入玉龍山
飲盞漿遂得風慧夷中稱爲畎人子良附世祖爲茶
罕章管民官從剋大理擒段興智功列兀良合台之
右以副元帥佩虎符鎮麼些又破鐵橋城華馬國加
授銀印爲提調諸路統軍師

本朝木公字恕卿襲土官知府性嗜學以琴書自娛
所著有雪山等稿

順寧府

本朝猛蓋襲土知府恩威並濟土人懷之又有

猛卿者字克佐聰敏通書史嗣其官嘉靖丁亥以武
尋功得

賜鐵幣

永寧府

本朝卜都各吉在元爲永寧州知州洪武間領兵歸
附其子各吉入令卜永樂四年諭西番人

覲改陞永寧府知府世其官

北勝州

本朝周賢瀾滄衛人能詩文工書畫安貧自適不仕

仕進年七十無疾而終三日始殮顏色不渝

高策洪武十四年平雲南甫七歲率衆歸附越二年

入

覲送國子監讀書及長遣使送還蒞政之日卽禁私人勿置田宅民間由是安堵後改北勝州知州世襲孫昶征麓川有功進府同知

譚昇濶滄人成化丙戌進士授合州知州以廉稱卒於官其子扶挺歸有琴書而已

陳瑄濶滄人任直隸習縣縣丞親終不忘孺慕每歲當生日奉主哭涕至老不變端莊厚重目不旁視鄉鄰有不婚不葬不能祭者出貲助之人稱長者

張宗楚年七歲能詩及就學善草書以神童應舉爲
翰林院秀才早卒